

5237.48/02336(5)

張祠部詩集卷首

傳略

評說附

張繼字懿孫袁州人登天寶十二載進士第大
歷末授檢校祠部員外郎分掌財賦於洪州卒
高仲武中興間氣集云張繼累代詞伯積襲
弓裘其於爲文不雕不飾及爾登第秀發當
時詩體清迥有道者風如女停襄邑杼農發
汶陽耕使者乘軒出諸侯擁節迎可謂事理
雙切又火燎原猶熱波搖海未平比興深矣
紀事云楓橋夜泊詩夜半鐘聲到客船此地

有夜半鐘謂之無常鐘繼誌其異耳歐陽以
為病非也繼伉儷歿於洪州劉長卿哭之以
詩唐宋志集一卷今刻詩一卷

張祠部詩集目錄

祠部員外郎張繼 懿孫

陸沈詩上禮部楊侍郎

長相思 奉寄皇甫補闕

楓橋夜泊 閩門即事

安公房問法 上清詞

送顧況泗上覲叔父

留別 清明日自西午橋至

瓜嚴村有懷 初出徽安門

晚次淮陽 會稽秋晚奉呈于太

守

春夜皇甫冉宅對酒

送郗紹充河南租庸判官

會稽郡樓雪霽 酬李書記校書越城

秋夜見贈 送竇十九判江南

江上送客遊廬山 奉送王相公赴幽州

送張中丞歸使幕 褚主簿宅會畢庶子

錢貞外郎使君韓翃

華州夜宴庾侍御宅

酬張二十貞外前國子博士竇叔向

登丹陽樓 郢城西樓吟

馮掖西樓

題嚴陵釣臺

金谷園

重經巴丘

九日巴丘楊公臺上宴集

人日代客子是日立春

春申君祠

郵亭

山家

歸山

遊靈巖

河間獻王墓

贈章八元

寄鄭貞外

飲李十二宅

城西虎跑寺

宿白馬寺

秋日道中

明德宮

華清宮

讀嶧山碑

張祠部詩集目錄

張祠部詩集

祠部員外郎張

繼

懿孫

陸沉詩上禮部楊侍郎

一作感懷

調與時人背心將靜者論終年帝城裏不識五

侯門

長相思

遼陽望河縣白首無人見海上珊瑚枝年年寄

春燕

奉寄皇甫補闕

京口情人別久揚州估客來踈潮至潯陽回去

相思無處通書

酬張繼

皇甫冉

懿孫余之舊好祇役武昌以六言
詩見懷余以七言裁會蓋拙於事
者繁而費

悵望南徐登北固迢迢西塞望
作限東關落日
作恨臨川問音信寒潮唯帶夕陽還

楓橋夜泊

月落烏啼霜滿天江楓漁火
英華對愁眠姑蘇城
作父外寒山寺夜半鐘聲到客船

閭門即事

耕夫占
英華募逐樓船春草青青萬頃田試上吳
作召門看郡郭清明幾處有新煙

安公房問法

流年一日復一日世事何時是了時試向東林
問禪伯遣將心地學琉璃

上清詞

紫陽宮女捧丹砂王母令過漢帝家春風不肯
停仙馭卻向蓬萊看杏花

送顧况泗上覲叔父

吳鄉回首足嘉賓後進之中見此人別業更臨
洙泗上擬將書卷對殘春

留別

何事千年遇聖君坐令雙鬢老江雲南行更入
山深淺岐路悠悠水自分

清明日自西午橋至瓜嚴村有懷

晚霽龍門雨春生一穴風鳥啼官路靜花發毀
垣空鳴玉慚時輩垂絲學老翁舊遊人不見惆
悵洛城東

初出徽安門一作洛陽作

洛陽天子縣金谷石家鄉草色侵官道花枝出
苑墻書成休逐客賦罷遂為郎貧賤非吾事西

游當一作思自強

晚次淮陽

微涼風葉下楚俗轉清閑候館臨秋水郊扉掩
暮山月明潮漸滿英華作近露濕雁初還浮客了無定
萍流淮海間

會稽秋晚奉呈于太守

寂寂訟庭幽木森戟戶秋山光隱危堞湖色上
高樓禹穴探書罷天台作賦遊雲浮將越客歲

晚共淹留

春夜皇甫冉宅對酒

流落時相見悲歡共此情
興因尊酒洽愁為故人輕
暗滴花垂露一作淚斜暉月過城
郡知橫吹曲江外作邊聲

送郗紹充河南租庸判官

英華作送郗判官往陳留

齊宋

一作魯

分巡

英華作傷心

地頻年此用兵女停襄邑杼農

廢汶陽耕使者

英華作國使

乘軺去諸藩

英華作侯

擁節迎深仁

佐

英華作荷又作賴

君子薄賦歛黎氓火燎原猶熱風英華作波搖

海未平應將否泰理一問魯諸生

會稽石

望字

江城昨夜雪如花
花鄂谷樓功三齊華
念

何聚玉西施浦

英華作浦

上

更飛

英華作飄

沙簾籠向晚寒風

雲睥睨初晴落景斜
數處微明銷不盡
湖山青

映越人家

酬李書記校書越城秋夜見贈

東越水城夜白人
白髮年寒城警刁斗孤憤抱

龍自鳳輦栖岐下
鯨波闕洛川量空海陵粟賜

汎水衡錢投閣咄
初子飛書代魯連蒼蒼不可

問予亦賦思立

送竇十九判

英華有官使二字

江南

遊宦淹星紀裁詩練土風今看乘傳去那與問

津同南郡迎

英華作過

徐子臨川謁謝公思歸一惆悵

于越古亭中

江上送客遊廬山

楚谷自相送霑裳春水邊晚來風信好併發上
江船花映新林岸雲開瀑布泉愜心應在此佳
句向誰傳

奉送王相公赴幽州

黃閣開幃幄丹墀拜

英華作傳

冕旒位高湯左相權總

漢諸侯不改周南化仍分趙北憂雙旌過易水

千騎入幽州塞草連天暮邊風動地愁無因隨

英華作陪遠道結束佩吳鉤

送張中丞歸使幕

獨愛

英華作受

主人歸當朝似者稀玉壺分御酒金殿

賜春衣拂席流鶯鶯醉鳴鞭駿馬肥滿臺簪白筆

捧手戀清暉

褚主簿宅會畢燕于錢員外郎使君韓

華翊

開甕臘酒熟

英華作熟

主人心賞同暮天疎竹上殘雪

亂山中更喜宣城印朝廷與謝公

華州夜宴庾侍御宅

世故他年別心期此夜同千峰孤燭外片雨一
更中酒客逢山簡詩人得謝公自憐驅匹馬拂
曙向關東

酬張二十員外前國子博士竇叔向

故交日零落心賞寄何人幸與馮唐遇心同跡
復親語言未終日英華離別又傷春結念湓城下
聞猿詩興親

登丹陽樓

寒臯那可望旅客又初還迢遞高樓上蕭疎涼
野間暮晴依遠水秋興屬連山浮客時相見霜
凋朱翠顏

郢城西樓吟

連山盡寒水滌迴山上戍門臨水開朱欄直下
一百丈日暖游鱗自相向昔人愛險閉層城今
人復愛閑江清沙洲楓岸無來客草綠花開山
鳥鳴

馮翊西樓末句缺

城上西樓倚暮天樓中歸望正悽然近郭亂山

橫古渡野莊喬木帶新煙北風吹雁聲能苦遠
客辭家月再圓陶令好文常對酒相招

題嚴陵釣臺

舊隱人如在清風亦似秋客星沉夜壑釣石俯
春流鳥向喬枝聚魚依淺瀨浮英華作游古來芳餌下
誰是不吞鈎

金谷園

綵樓歌館正融融一騎星飛錦帳空老盡名花
春不管年年啼鳥怨東風

重經巴丘

昔年高接李膺歡日汎仙舟醉碧瀾詩句亂隨
青草落酒腸俱逐洞庭寬浮生聚散雲相似往
事冥微夢一般今日片帆城下去秋風回首淚

闌干

九日巴丘楊公臺上宴集

淒淒霜日上高臺水國秋深客思哀萬疊銀山
寒浪起一行斜字早鴻來誰家搗練孤城暮何
處題衣遠信回江漢路長身不定菊花三笑旅
懷開

人日代客子是日立春

人日兼春日長懷復短懷遙知雙彩勝併在一
金釵

春申君祠

春申祠宇空山裏古栢陰陰石泉水日暮江南
無主人彌令過客思公子蕭條寒景傍山村寂
莫誰知楚相尊當時珠履三千客趙使懷慚不
敢言

郵亭

雲淡山橫日欲斜郵亭下馬對殘花自從身逐

征西府每到開時不在家

山家

板橋人渡泉聲苑檐日午雞鳴莫噴焙茶煙暗
却喜晒穀天晴

歸山

心事數莖白髮生涯一片青山空林有雪相待
古道無人獨還

游靈巖

靈巖有路入煙霞臺殿高低釋子家風過迴廊
飄隊土葉水流絕澗汎秋花青松閱世風霜古翠

竹題詩歲月賒誰謂無生真可學山中亦自有
年華

河間獻王墓

漢家宗室獨稱賢遺事閑中見舊編偶過河間
尋往跡却憐荒塚帶寒煙頻求千古書連帙獨
對三雄策幾篇雅樂未興人已逝雄歌依舊大
風傳

贈章八元

相見談經史江樓坐夜闌風聲吹戶響燈影照
人寒俗薄交游盡時危出處難衰年逢二妙亦

得悶懷寬

寄鄭貞外

經月愁聞雨新年苦憶君何時共登眺整屐待
晴雲

飲李十二宅

重門敞春夕燭燭藹餘輝醉我百尊酒留連夜
未歸

城西虎跑寺

石勢虎蹲伏山形龍屈盤寺開梁殿閣墳掩晉
衣冠出澗泉聲細斜陽喙影寒近城多

樓

息此中安

宿白馬寺

白馬馱經事已空
斷碑殘刹見遺踪
蕭蕭苑屋
秋風裏一夜雨聲
羈思濃

秋日道中

齊魯西風草樹秋
川原高下過東州
道邊白鶴來華表
陌上蒼麟卧古丘
九曲半應非禹跡
三山何處是仙洲
經行俯仰成今古
却當年賦
遠遊

明德宮

碧瓦朱楹白晝閑
金衣寶扇曉風寒
摩雲觀閣高如許
長對河流出斷山

華清宮

天寶承平奈樂何
華清宮殿鬱嵯峨
朝元閣峻臨秦嶺
羯鼓樓高俯渭河
玉樹長飄雲外曲
霓裳閑舞月中歌
只今惟有溫泉水
嗚咽聲中感慨多

讀嶧山碑

六國平來四海家
相君當代擅才華
誰知頌德山頭石
却與他人戒後車

附錄

哭張貞外

時貞外伉儷
歿於洪州

劉長卿

白簡曾連拜滄洲每共思撫存憐稚齒歎逝
顧身衰自此辭張邵何由見戴逵獨聞山吏
部流涕訪孤兒

此詩劉集不載

張祠部詩集

皇甫補闕詩集卷首

二首

傳略

評說附

皇甫冉字茂政潤州丹陽人玄晏先生謚之後

祕書少監集賢院修撰林之姪也十歲便能屬

文張九齡歎異之與弟曾皆善詩天寶十三載

進士及第

一作十五載
進士第一

授無錫尉王縉為河南元帥

表掌書記累遷右補闕卒

新唐書傳

計敏夫紀事曰

張曲江深愛之謂清穎秀拔有江徐之風高仲

武曰補闕自擢桂禮闈遂為高格往以世道艱

虞避地江外每文章一到朝廷作者變色於詞

場為先輩推錢郎為伯仲誰家勝負或逐鹿中
原如果熟任霜封籬踈從水度裏露收新稼迎
寒葺舊廬又燕知舊日辭巢去菊為重陽冒雨
開可以雄視潘張平揖沈謝又巫山詩終篇皆
麗自晉宋齊梁陳周隋已來採掇者無數而補
闕獨獲驪珠使前賢失步後輩却立自非天假
何以迨斯恨長轡未騁而芳蘭早彫悲矣徐獻
忠詩品曰補闕詩意在遣情時出奇瑰酬應彌
多而興寄閑暇唐志詩一卷宋志二卷今刻詩
集上下二卷補遺詩十二首

皇甫補闕詩集目錄

左補闕內供奉安定皇甫冉 茂政

上卷

潤州南郭留別

祭張公洞

臨平道中贈舟人

巫山高

長安路

送朱逸人

寄靈一上人

寄靈一淨虛二上人

舟中送李八

臺頭寺留別美人

酬張二仲昇

李明府後亭泛舟

韋鍊師昇仙歌

陪錢韋使君赴昇州

送王緒剡中

酬李郎中見寄

同諸公暑夜南餘館

贈普門上人

與諸公登無錫北樓

同李蘇州傷美人

送李錄事赴饒州

同諸公有懷

題淮山所居

送鄭判官赴徐州

送顧萇往新安

秋夜有懷高三十五

送裴闡

湖山歌送許鳴謙

雜言迎神詞二首

賦得攜琴客

江草歌送盧判官

題畫帳一首

落第後東遊留別

月洲歌送趙冽

寄劉八山中

答張諶劉方平

澧水送鄭豐

九日寄鄭豐同前

酬包評事畫山水

渡汝水向大和山

秋怨

贈鄭山人

劉方平西齋對雪

尋湛然寺主不見

城南亭送鄭判官

登玄元廟

冬夜集賦得寒漏

玄元觀送二李

劉方平壁畫山

登山歌

和鄭少尹祭中岳寺

秋夜寄所思

賦得郢路悲猿

惠山寺流泉歌

清明日青龍寺

與張諲宿劉八莊

寄劉方平

曾東遊以詩寄之

途次南陽贈何明府

戲題劉方平壁

問正上人疾

山中五詠

送竇叔向入京

登石城戍望海

和樊潤州登城樓

寄江東李判官

送蔣評事往福州

送從弟豫貶遠州

送錢塘路少府

荆溪夜湍送蔣逸人

送孔黨赴舉

賦得的的帆向浦

送陸鴻漸採茶

馬林溪遇雨

江外逢魏博士

送包佶賦得天津橋

上禮部楊侍郎

宿嚴維宅送包七

詠興寧寺石榴

賦得簷柳

送段明府

婕妤怨

送李使君赴撫州

同樊潤州遊東山

酬楊侍御見招

酬李觀

寄權器

酬李判官見寄

學玉臺體

酬張二倉曹

送安律師

題盧十一所居

送陸澧郭郎

山半橫雲

題裴二十一新園

寄高雲

下卷

温湯即事

送張南史

廬山歌送至弘法師

送薛秀才

寄劉長卿

酬李司兵見寄

送薛判官之越

同温丹徒登萬歲樓

賦得簷燕

送李萬州赴饒州

送鄒判官赴河南

宿淮陰南樓

送歸中丞使新羅

懷靈一上人

送唐別駕赴郢州

送魏中丞還河北

送李使君赴邵州

寄振上人

酬李補闕

故齊王挽歌

恭順皇后挽歌

病中對石竹花

寄鄭二侍御

送廬山人歸林慮山

送榮別駕赴華州

送常大夫赴朔方

送王翁信還剡中

酬張繼

送柳負外赴江西

送陸邃潛夫四首

賦得越山三韻

送盧郎中使君

楊氏林亭探得古槎

送鄭二之茅山

和王給事禁省梨花

同賦送遠客

送竇叔向

題蔣道士房

送鄭員外入茅山

送志彌師往淮南

謝韋大夫柳哉

問李司直所居

劉侍御許停官歸侍

夜集張諲所居

酬權器

寄劉方平大谷田家

送雲陽少府華

曾山送別

題高雲客舍

臺頭寺小松

清明日漁子溝

送崔使君赴壽州

和遊法華寺

留別劉方中

出塞

赴李少府莊失路

雨雪

館陶李丞舊居

送劉兵曹還隴山

同李三月夜作

同裴少府對雨

送元晟歸潛山

送康判官往新安

宿洞靈觀

酬盧十一過宿山

酬裴十四

和彭祖井

和對雪

送蕭獻士

得朱山人書

初出沅江夜入湖

送裴員外往江臺

和早春登徐州城

和待勤照上人不至

和漢祖廟下之作

和胡郎中揚子

閑居作

歸渡洛水

送鄭二員外

送謝朓

送處州裴使君

送田青

送袁郎中破賊北歸

晚望懷普門上人

期籍道士

送裴少歸常州

送韋山人歸鍾山

和袁郎中破賊

送丘侍御之楚

閑居

送陳法師赴上元

賦得海邊樹

題昭上人房

寄韋司直

送魏十六還蘇州

婕妤怨

送客

秋日宋郊

秋夜宿嚴維宅

送魏侍御

送普門上人

送張道士歸茅山

皇甫補闕詩集目錄

皇甫補闕詩集卷上

左補闕內供奉安定皇甫

茂政

潤州南郭留別

紫迴楓葉岸留滯木蘭橈吳岫新經雨江天正

落潮故人勞見愛行客自無聊君

英華作若

問前程事

孤雲入剡遙

祭張公洞

堯心知稼穡精意遶山川風雨神斯應笙鏞詔

命傳沐蘭祗埽地酌桂佇靈仙拂霧陳金策焚

香拜玉筵雲開小有洞日出大羅天三鳥隨王

母雙童翊子先何時種桃核幾度看桑田倏忽
煙霞散空巖騎吏旋

臨平道中贈同舟人
遠山誰辨江南北長路空隨樹淺深流蕩飄颻
此何極唯應行客共知心

巫山高一作峽

巫峽見巴東迢迢出半空雲藏神女館雨到楚
王宮朝暮泉聲落寒暄樹色同清猿不可聽偏
在九秋中

長安路

長安九城路戚里五侯家結束趨平樂聯翩抵
狹斜高樓臨遠英華作積水複道出繁花唯見相如宅
蓬門度歲華

送朱逸人

時人多不見出入五湖間寄酒全吾道移家愛
遠山更看秋草暮欲共白雲還雖在風塵裏陶
潛身自閑

西陵寄靈一上人

英華作西陵渡寄一公

西陵遇風英華作朝處自古是通津終日空江上雲山
若待人汀洲寒事早魚鳥興情新迴望山陰路

心中

一作中心英
華作吾心

有所親

赴無錫守別靈一淨虛二上人雲門所

居

此詩又見
郎士元集

高僧本姓竺開士舊名林一入青山裏千峯不
可尋新年芳草徧終日白雲深欲徇微官去懸
知訝此心

舟中送李八

得迴字

詞客金門未有媒遊吳適越任舟迴遠水迢迢
分首去天邊山色待人來

與張補闕王鍊師

一本作同舟
南下雜題

同舟南下於

臺

朝朝春事晚泛泛行舟遠淮海思無窮悠揚煙

景中幸將仙子去復與故人同高枕隨流水輕
帆任遠風鐘聲野寺迴草色故城空送別高臺
一徂徊共惆悵懸知白日斜定是猶相望

酬張二仲彞

吳洲見芳草楚客動歸心屈宋鄉山古荆衡煙
雨深艱難十載別羈旅四愁侵澧月通沅水湘
雲入桂林已看生白髮當為乏黃金江海時相
見惟聞梁父吟

三月三日義興李明府後亭泛舟

此詩又見劉長卿集

江南煙景復如何聞道新亭更可過處處秋風

春滿綠萋萋藉草遠山多壺觴須就高彭澤風

一作時俗猶傳晉永和更使輕橈徐轉去微風落日

水增波

少室一本有山字韋鍊師昇仙歌

紅霞紫氣書一作甚氤氲絳節青幢一作童迎少君忽從

林下昇天去空使時人禮白雲

獨孤中丞筵陪錢韋使君遊昇州

中司龍節貢上客虎符新地控三吳言才光一作英華

漢縉紳泛舟應度臘入境便行春處處英華作何處歌

來暮長江建業人

送王緒之剡中

不見關山去何時到剡中已聞成竹籜木更道

長兒童籬落雲常聚村墟水自通朝朝憶玄度

非是對清風

酬李郎中侍御秋夜登福州城樓見寄

辛勤萬里道蕭索九秋殘月照閩中夜天疑海

上寒王程無地遠主意在人安遙寄登樓作空

知行路難

同李司直諸公暑夜南餘館

雨處多明月津亭暑夜深煙霞不可望雲樹更

涉流一作深沈好是吳中隱仍為洛下吟微官朝復夕

事強亦何心

贈普門上人此詩見劉長卿集

雙公身欲英華作已老長在沃洲多慧力堪傳教禪功

久伏魔山雲隨坐夏江草伴頭陀借問迴心後

英華作明心者賢愚去幾何

與諸公同登無錫北樓

秋興因危堞歸心過遠山風霜征鴈早江海旅

人閑驛樹寒仍密漁舟晚自還仲宣何所賦

歎在荆蠻

同李蘇州傷美人

玉佩石榴裙當年嫁使君專房猶英華作獨見寵傾國

衆皆聞歌舞嘗無對幽明忽此分陽臺千萬里

何處作朝英華作行雲

送李錄事赴饒州

北人南去雪紛紛鴈叫汀沙一作河洲不可聞積水

長天隨遠客荒城極浦足寒雲山從建業千峯

斷江至潯陽九派分借問督郵纔弱冠府中年

少不如君

同諸公有懷

舊國迷江樹他鄉近海門移家南渡久童稚解

方言

題魏仲光淮山所居

人羣不相見乃在白雲間問我將何適羨君今
獨閑朝朝汲淮水暮暮上龜山幸已安貧定當
從鬢髮班

送鄭判官赴徐州

從軍非隴頭師在古徐州氣勁三河卒功多萬

里侯元戎關外令才子樞中籌莫聽關山曲遠
生出塞愁

送顧萇

英華作中史一作長史

往新安

由來山水客復道向新安半是乘潮便全非行
路難晨裝林英華作秋月在野飯浦英華作飲者沙寒嚴子干

年後何人釣舊灘

秋夜有懷高三十五兼呈空和尚

此詩又見劉長卿集

晚節聞君趨道深結茅栽樹近東林大師幾度
曾摩頂高士何年遂發心北渚三更聞過鴈西
城萬里動寒砧不見支公與玄度相思擁膝坐

長吟

送裴闡

得歸字

道向毘陵豈是歸客中誰與換春衣今夜孤舟
行近遠柴荆零雨正霏霏

湖山歌送許鳴謙

并序

夫子隱者也耕於湖山之田孤雲無心飛鳥無
跡伯仲邕邕家人怡怡貞白之風旁行於澆俗
矣始惠然而去又翻然而歸春田雪餘具物繁
殖結我幽夢湖間一峯酒而歌歌之以送遠

湖中之山兮波上青桂颺颺兮雨冥冥君歸兮

春早滿山兮碧草晨春暮汲兮心何求澗戶巖
扉兮身自老東嶺西峯兮同白雲雞鳴犬吠兮
時相聞幽芳媚景兮當嘉月踐石捫蘿兮恣超
忽空山寂寂兮潁陽人旦夕孤雲兮隨一身

雜言迎神詞二首

并序

吳楚之俗與巴渝同風日見歌舞祀者問其故
荅曰及夏不雨慮將無年復云家有行人不歸
憑是景福夫此二者皆我所懷寄地種苗將成
枯草弟爲臺官羈旅京師秉筆爲迎神送神詞
以應其聲亦寄所懷也

迎神

啓庭戶列芳鮮目眇眇心綿綿因風託雨降瓊
筵紛下拜屢加籩人心望歲祈豐年

送神

露霑衣月隱壁氣淒淒人寂寂風迴雨度虛瑤
席來無聲去無跡神心降和福遠客

屏風上各賦一物得攜琴客

不是向空林應當就磐石白雲知隱處芳草迷
行迹如何祇役心見爾攜琴客

江草歌送盧判官

江臯兮春早江上兮芳草雜靡蕪兮杜蘅作叢
秀兮復一作欲羅生被遙隰兮經長衍雨中深兮煙
中淺目渺渺兮增愁步遲遲兮堪寒澧之浦兮
湘之濱思夫君兮送美人吳洲曲兮楚鄉路遠
孤城兮依獨戍新月能分裊露時夕陽照見連
天處問君行邁終一作將何之淹泊汭風日遲處
處汀洲有芳草王孫詎肯念歸期

題畫帳二首

山林

桂水饒楓杉荆南足煙雨猶疑黛色中復是雒

陽岨

遠帆

朝見巴江客暮見巴江客雲帆儻暫停中路陽
臺夕

落第後東遊留別

此方自得何事學干求果以浮名誤深貽達
士羞九江連漲海萬里任虛舟歲晚同懷客相
思波上鷗

月洲歌送趙冽還襄陽

漢之廣矣中有洲洲如月方水環流流聒聒方

湍與瀨草青青芳春更秋苦竹林香楓樹樵子
眾師幾家住萬山飛雨一川來巴客歸船傍洲
去歸人不可遲芳杜滿洲時無限風煙皆自悲
莫辭貧賤阻心期家住洲頭定近遠朝泛輕橈
暮當返不能隨爾卧芳洲自念天機一何淺

寄劉八山中

東臯若近遠苦雨隔還期閏歲風霜晚山田收
穫遲茅簷燕去後樵路菊黃時平子遊都久知
君坐見嗤

答張諲劉方平兼呈賀蘭廣

野性難馴狎荒郊自閉門心閉同海鳥日夕戀
山村屢枉瓊瑤贈如令術存遠峯時振策春
雨耐香源復有故人在寧聞鵲喧青青草色
綠終是待王孫

澧水送鄭豐鄴縣讀書

麥秋中夏涼風起送君西郊及澧水孤煙遠樹
動離心隔岸江流若干里早年江海謝浮名此
路雲山愜爾情上古金一作全經皆在口秦人如見
濟南生

九日寄鄭豐

重陽秋已晚千里信仍稀何處登高望知君正
憶歸還當採時菊定未授寒衣欲識離居恨郊
園正掩扉

酬包評事壁畫山水見寄

一官知所傲本意在雲泉濡翰生新興羣峯忽
眼前黛中分遠近筆下起風煙巖翠深樵路湖
光出釣船寒侵赤城頂日照武陵川若覽名山
誌仍聞招隱篇遂令江海客惆悵憶閑田
渡汝水向太和山

落日事蹇陟西南投一峯誠知秋水淺但怯無

人蹤

秋怨

長信多秋氣，昭陽借月華。那堪閉永巷，聞道選良家。

贈鄭山人

白首滄洲客，陶然得此生。龐公採藥去，萊氏與妻行。乍見還州里，全非隱姓名。枉帆臨海嶠，賁酒秣陵城。伐木吳山曉，持竿越水清。家人恣貧賤，物外任衰榮。忽爾辭林壑，高歌至上京。避喧心已慣，念遠夢頻成。石路寒花發，江田臘雪明。

玄纁儻有命，何以遂躬耕。

劉方平西齋對雪

對酒閑齋晚，開軒臘雪時。花飄疑節候，色淨潤簾幃。委樹寒枝弱，縈空去鴈遲。自然堪訪戴，無復四愁詩。

福先寺尋湛然寺主

一作上人不見

寂然空佇立，往往報疎鐘。高館誰留客，東南二室峯。川原通霽色，田野變春容。惆悵層城暮，猶言歸路逢。

河南鄭少尹城南亭送鄭判官還河東

使臣懷餞席亞尹有前溪客是仙舟裏塗從御
苑西泉聲喧暗竹草色引長堤故絳青山在新
田綠樹齊天秋聞別鶴一作鷓鴣關曉待鳴雞應歎沈
冥者年年津路迷
登玄元廟
古廟川原迴重門禁籞連海童紛翠蓋羽客事
瓊筵御路分踈柳離宮出苑田興新無向背望
久辨山川物外將遺老區中誓絕緣函關若遠
近紫氣獨依然

冬夜集賦得寒漏

清冬洛陽客寒漏建章臺出禁因風徹紫窻共
月來偏將殘瀨雜乍與遠鴻哀遙夜重城警流
年滴水催閑齋堪坐聽況有故人杯

玄元觀送李深李泐還奉先華陰

此去那知道路遙寒原紫府上迢迢莫持別酒
和瓊液乍唱離歌和鳳簫遠水東流浮落景繚
垣西轉失行鑣華山秦塞長相憶無使音塵頓
寂寥

劉方平壁畫山

四言

墨妙無前性生筆先迴溪已失遠嶂猶連側徑

樵客長林野煙青峯之外何處雲天

登山歌

青山前青山後登高望兩處兩處今何有煙景
滿川原離人堪白首

和鄭少尹祭中嶽寺北訪蕭居士越上

方

肅事祠靈境尋真到隱居寅緣幽谷遠蕭散白
雲餘晚節持僧律他年著道書海邊曾狎鳥濠
上正觀魚寂靜求無相淳和親太初一峯綿歲
月萬姓任盈虛籬隔溪鐘度空臨澗木疎謝公

懷舊壑迴駕復何如

秋夜寄所思

寂寞坐遙夜清風何處來天高散騎省月冷建
章臺鄰笛哀聲急城砧朔氣催芙蓉已委絕誰
復可為媒

賦得郢路悲猿

悲猿何處發郢路第三聲遠客知秋暮空山益
夜清啾啾深衆木噉噉入孤城坐覺盈心耳脩
然適楚情

無錫惠山寺流泉歌

寺有泉兮泉在山
鏘金鳴玉兮長潺潺
作潭鏡兮澄寺內
泛巖花兮到人間
土膏脉動知春早
隈隩陰深長苔草
處處縈迴石磴喧
朝朝盥漱山僧老
僧自老松自新清
流活活無冬春
任疏鑿兮與汲引
若有意兮山中
人偏依佛界通
仙境明滅玲瓏
媚林嶺宛如太
室臨九潭詎滅
天台望三井我
來結綬未經秋
已厭微官憶舊
游且復遲迴猶
未去此心祇爲
靈泉留

清明日青龍寺上方賦得多字

上方偏可適季月況堪過遠近水聲至東西

色多夕陽留逕草新葉變庭柯已度清明節
春秋如客何

與張諲宿劉八城東莊

人間當歲暮田野尚逢迎
萊子多嘉慶陶公得此生
寒蕪連古渡雲樹近嚴城
雞黍無辭薄貧交但貴情

寄劉方平

坐憶山中人窮棲事南畝
煙霞相親外墟落今何有
潘郎作賦年陶令辭官後
達生貴自適良願固無負
田取潁水流樹入陽城口
歲暮憂思

盈離居不堪久

曾東遊以詩寄之

一本上有方平二字

出郭離言多迴車始知遠寂然層城暮更念前
山轉縱轡越城臯浮舟背梁苑朝朝勞延首往
往若在眼落日孤雲還邊愁迷楚關如何澹花
發復對遊子顏古寺杉栝裏連檣洲渚間煙生
海西岸雲見吳南山驚風掃蘆荻翻浪連天白
正是揚帆時偏逢江上客由來許佳句況乃慙
所適差我天姥峯翠色春更碧氣淒湖上兩月

淨刻中夕釣艇或相逢江確又遠獨迢迢始

暨蕪沒謝公宅朱槿列摧

一作墉蒼苔徧幽石

予任踈懶期爾振羽翻滄洲未可行須售金門

策

適荊州塗次南陽贈何明府

千里獨遊日有懷誰與同言過細陽令一遇朗
陵公清節邁多士斯文傳古風閭閻知俗變原
野識年豐吾道方在此前程殊未窮江天經峴
北客思滿巴東夢渚愁遠山丘晴望通應嗟
出處異流蕩楚雲中

秋夜戲題劉方平壁

鴻悲月白時將謝正可招尋惜遙夜翠帳蘭房
曲且深寧知戶外清霜下

問正上人疾

醫王猶有疾妙理竟難窮
餌藥應隨病觀身轉
悟空地閑花欲雨窻冷竹生風
幾日東林去門人待遠公

山中五詠

門柳

接影武昌城分行漢南道
何事閑門外空對青山老

遠山

少室盡西峯鳴臯隱南面
柴門縱復關終日窻中見

南澗

上路各乘軒高明盡鳴玉
寧知澗下人自愛輕波淥

春草

草徧潁陽山花開武陵水
春色既已同人心亦相似

山館

山館長寂寂閑雲朝夕來空庭復何有落日照
青苔

送竇叔向入京
冰結柳楊津從吳去入秦徒云還上國誰爲作
中人驛樹同霜霰漁舟伴苦辛相如求一謁詞
賦遠隨身

登石城戍望海寄諸暨嚴少府

平明登古戍徙倚待寒潮江海方回合雲林自
寂寥詎能知遠近徒見蕩煙霄即此滄洲路嗟
君久折腰

和樊潤州秋日登城樓

露冕臨平楚寒城帶早霜時同借河內人是卧
淮陽積水澄天塹連山入帝鄉因高欲見下非
是愛秋光

寄江東李判官

遠懷不可道歷稔勸離憂洛下聞新鴈江南想
暮秋澄清佐八使綱紀案諸侯地識吳平久才
當晉用求時賢幾殂謝摛藻繼風流更有西陵
作還成北固遊歸程限尺牘王事在扁舟山色
歸湖盡猿聲入夢愁

送蔣評事往福州

江上春常閩中客去稀
登山怨迢遞臨水惜芳菲
煙樹何時盡風帆幾日歸
還看復命處盛府百光輝

送從弟豫貶遠州

何事成遷客思歸不見鄉
遊吳經萬里弔屈過三湘
水與荆巫接山通鄢郢
長名嗟黃綬繫身是白眉
良獨結南枝恨應思北鴈
行憂來沽楚酒玄鬢莫凝霜

送錢塘路少府赴制舉

專待詔赴英華長安客裏新
正阻舊歡遲日未能銷
野雪晴花偏自犯江寒
東溟道路通秦塞北關
威儀識英華漢官共英華許郊
詵工射英華策能對恩榮請向一枝看

賦得荆溪夜湍送蔣逸人歸義興山

驚瀉流不極夜度識雲岑
長帶溪沙淺時因山雨深
方同七里路更遂五湖心
揭厲朝將夕潺湲古至今
花源若可許雖遠亦相尋

送孔黨赴舉

入貢列諸生詩書業早成家承孔聖後身有魯

儒名楚水通滎浦秦山擁漢京愛君方弱冠爲
賦少年行

齊郎中筵賦得的帆向浦留別

一帆何處去正在望中微浦迴搖空色汀迴見
落暉每爭高鳥度能送遠人歸偏似南浮客悠
揚無所依

送陸鴻漸棲霞寺採茶

採茶非採菘遠遠上層崖布葉春風暖盈筐白
日斜舊知山寺路時宿野人家借問王孫草何
時泛椀花

泊丹陽與

一本有人

同舟至馬林溪遇

雲林不可望溪水更悠悠共載人皆客離家未
是秋遠山方對枕細雨莫迴舟來往南徐路多
爲芳草留

太常魏博士遠出賊庭江外相逢因敘

其事

烽火驚戎塞豺狼犯帝畿川原無稼穡日月
光輝里社粉榆毀宮城騎吏非羣生被慘毒
羅輕肥多士從芳餌惟君識禍機心同合浦
葉命寄首陽薇恥作織鱗煦方隨高鳥飛山經

齊嶺出水泛漢池歸離別霜凝鬢逢迎淚送
京華長路絕江海故人稀秉節身常苦求仁之
不違祇應窮野外耕種且相依

送包佶賦得天津橋

洛陽歲暮作征客相望依然一水間相思已

千里情

晴煙霽景滿天津

關龍愁賦不須豈無朝夕軒車度其奈相逢

溪親舊樹世及愁遠道他鄉一望人堪老君

還期在早春橋邊日日看芳草

上禮部楊侍郎

郢匠掄材日輟輪必盡呈敢言當一幹徒欲隸
諸生末學慚鄒魯深仁錄弟兄餘波知可挹
植更求榮績媿他年敗功期此丁成方因舊
李猶冀一作載飛鳴道淺猶懷分特移但自驚關
門驚暮節林壑廢春耕十里嵩峯近千秋意亦
清煙花迷戎谷墟落接陽城渺然思鄉夢遲迴
知己情勞歌終此曲還是苦辛行

宿嚴維宅送包七

江湖同避地分手自依依盡室今為客經秋空
念歸歲儲無別墅寒服羨鄰機草色村橋晚

聲江樹稀夜涼宜共醉時難惜相違何事隨陽
侶汀洲忽背飛

同張侍御詠興寧寺經藏院海石榴花

嫩葉生初茂殘花少更鮮結根龍藏側故欲競
青蓮

崔十四宅各賦一物得簷柳

官渡老風煙尋陽媚雲日漢將營前見
中出復在此簷端垂陰仲長室

笳曲

送段明府

遙夜此何其霜空殘杳靄方嗟異鄉別暫是日

公會海林秋更踈野水寒猶大離人轉吳岫
鴈從燕塞日夕望前期勞心白雲外

婕妤怨

花枝出建章鳳管發昭陽借問承恩者雙蛾幾
許長

送李使君赴撫州

遠送臨川守還同康樂侯歲時徒改易今古接
風流五馬嘶長道雙旌向本州鄉心寄西北應
此郡城樓

同樊潤州遊郡東山

北固多陳迹東山復盛遊
饒聲發大道草色引行騶
此地何時有長江自古流
頻隨公府步南客寄徐州

酬楊侍御寺中見招

貧居依柳市閑步在蓮宮
高閣宜春雨長廊好嘯風
誠如雙樹下豈比一丘中

重陽日酬李觀

不見白衣來送酒但令黃菊自開花
愁看日晚良辰過
步步行尋陶令家

寄權器

露濕青蕪時欲晚水流黃葉意無窮
節近重陽念歸否
眼前籬菊帶秋風

酬李判官度梨嶺見寄

隴首怨西征嶺南鴈北顧行人與流水
共向閩中去

見諸姬學玉臺體

豔唱召燕姬清弦待盧女
由來道姓秦誰不知家楚
傳杯見目成結帶明心許
寧辭玉輦迎自堪金屋貯
一去作行雲襄王迷處所

酬張二倉曹楊子所居見寄兼呈韓郎

中

孤雲獨鶴自悠悠別後經年向泊舟漁父置詞
相借問郎官能賦許依投折芳遠寄三春草乘
興閑一作來看萬里流莫怪杜門頻乞假不堪扶病
拜龍樓

送安律師

出家童子歲愛此雪山人長路經千里孤雲伴
一身水中應見月草上豈傷春永日空林下心
將何物親

題盧十一所居

春風來幾日先入辟疆園身外無餘事閑吟豈

閉門

送陸澧郭郎

纔見吳洲百草春已聞燕鴈一聲新秋風何處
催年急偏逐山行水宿人

山半橫雲

湘水風日滿楚山朝夕空連峯雖已見猶念長
雲中

題裴二十一新園

東郭訪先生西郊尋隱英華作舊路久為江南客自有

雲陽樹已得閑園心不知公府步閑一作門白日

晚倚杖青山暮果熟任霜封籬踈從水渡窮年

常牽綴往事惜淪悞惟見耦英華作獨耕人朝朝自來

去

寄高雲

南徐風日好悵望毘陵道毘陵有故人一見恨

無因獨戀青山久惟令白髮新每嫌持手板時

見著頭巾煙景臨寒食農桑接仲春家貧仍嗜

酒生事今何有芳草徧江南勞心憶攜手

皇甫補闕詩集卷上

皇甫補闕詩集卷下

左補闕內供奉安定皇甫冉

茂政不

温湯即事

天仗星辰轉霜冬景氣和樹含温液潤山入繚

垣多丞相金錢賜平陽玉輦過魯儒求一謁無

路獨如何

送張南史

效何記室體

馬卿工詞賦位下年將暮謝客愛雲山家貧身

不閑風波杳未極幾處逢相識富貴人皆變誰

能念貧賤岸有經霜草林有故年枝俱應待春

色獨使客心悲

廬山歌送至弘法師兼呈薛江州

釋子去兮訪名山禪舟容與兮住仍前猿啾啾
兮怨月江渺渺兮多煙東林西林兮入何處上
方下方兮通石路連湘接楚饒桂花事久年深
無杏樹使君愛人兼愛山時引雙旌萬木間政
成人皆不擾遂令法侶性安閑

送薛秀才

雖是尋山客還同慢世人讀書惟務靜無裋不
憂貧野色春冬樹雞聲遠近鄰郟公即吾友益

英爾相親

使往壽州寄劉長卿

榛草荒涼村落空驅馳卒歲亦何功蒹葭曙色
蒼蒼遠蟋蟀秋聲處處同鄉路遙知淮浦外故
人多在楚雲東日夕煙霜英華那可道壽陽西去
水無窮

酬李司兵直夜見寄

江城聞鼓角旅宿復何如寒月此宵半春風舊
歲餘徒云資薄祿未必勝閑居見欲扁舟去誰
能畏簡書

送薛判官之越

時難自多務職小亦求賢道路無辭遠雲山併
在前樟亭待潮處已是越人煙

同温丹

英華作詩

徒登萬歲樓

此詩又見劉長卿集

高樓獨上思依依極浦遥山合

英華作涵

翠微江客不

堪頻北顧

英華作望

塞鴻何事復

一作獨

南飛丹陽

英華作淮陽

古

渡寒煙積瓜步空洲遠樹稀聞道王師猶轉戰

誰能談笑解重圍

賦得簷燕

拂水競何忙傍簷如有意翻風去每遠帶雨歸

備駛今君裁杏梁更欲年年去

送李萬州赴饒州觀省

得西字

前程觀

英華作歡

拜慶舊館

英華作異縣

惜招攜荀氏風流口

胡家清白齊川迴吳岫失塞闊楚雲低舉目親

英華作觀

魚鳥驚心怯鼓鼙人稀漁浦外灘淺定山西

無限青青草王孫去不迷

送鄒判官赴河南

看君發原隰四牡去皇皇始罷滄江吏還隨粉

署郎海沂軍未息河畔歲仍荒征稅人全少榛

蕪近亡所行知宋遠相隔歎淮長早晚裁書

寄銀鉤佇八行

宿淮陰南樓酬常伯能

淮陰日落上南樓
喬木荒城古渡頭
浦外野風初入戶
窻中海月早知秋
滄波一望通千里
畫角三聲起百憂
獨立宵分絕來客
煩君步履忽相求

送歸中丞使新羅

詔使殊方遠朝儀
舊典行浮天無盡處
望日計前程暫喜孤山出
長愁積水平野風飄壘
鼓海濕危旌異俗知
文教通儒有令名
還將大戴

禮方外授諸生

懷靈一上人

六言

江上年年春早津
頭日日人行借問山陰遠
近猶聞薄暮鐘聲

送唐別駕赴郢州

莫歎辭家遠方看佐郡榮
長林通楚塞高嶺見秦城
雪向嶢關下人從郢路迎
翩翩駿馬去自是少年行

送魏中丞還河北

寧知貴公子本是魯諸生
上國風塵舊中司印

授榮辛勤戎旅事雪下護羌營

送李使君赴邵州

出送東方騎行安南楚人城池春足雨風俗夜
迎神郢路逢歸客湘川問去津爭看使君度阜
蓋雪中新

寄振上人無礙寺所居

戀親時見在人羣多在東山就白雲獨坐焚香
誦經處深山古寺雪紛紛

酬李補闕

十年歸客但心傷三徑無人已自荒夕宿靈臺

伴煙月晨趨建禮逐衣裳偶因麋鹿隨豐草謬
荷鴛鴦借末行縱有諫書猶未獻春風拂地日
空長

故齊王贈承天皇帝挽歌

禮盛追崇日人知友悌恩舊居從代邸新隴入
文園鴻寶仙書祕龍旂帝服尊蒼蒼松裏月萬
古此高原

贈恭順皇后挽歌

徂謝年方久哀榮事獨稀雖殊百兩迓同是九
泉歸詔使歸金策神人送玉衣空山竟不寧

肯學湘妃

病中對石竹花

散點空堦下閑凝細雨中那能久相伴嗟爾帶

秋風

寄鄭二侍御歸新鄭無礙寺所居

何事休官早歸來作鄭人雲山隨伴侶伏臘見
鄉親南畝無三徑東林寄一身誰當便靜者莫
使甑生塵

送盧山人歸林慮山

無論行遠近歸向舊煙林寥落人家少青冥鳥

道深白雲長滿目芳草自知心山色連東海相
思何處尋

送榮別駕赴華州

直到羣峯下應無累日程高車入郡舍流水出
關城草色田家迴槐陰府吏迎還將海沂詠籍
甚漢公卿

送常大夫加散騎常侍赴朔方

故壘煙霞後新軍河塞間金貂寵漢將玉節度
蕭關澶漫沙中雪依稀漢口山人知竇車騎計
日勒銘還

送王翁信還剡中舊居

海岸耕殘雪溪沙釣夕陽家中何所有春草漸
看長

酬張繼并序

懿孫余之舊好祇役武昌以六言詩見懷余以
七言裁荅蓋拙於事者繁而費

悵望南徐登北固迢迢西塞限一作望東關落日臨

川問音信寒潮惟帶夕陽還

送柳八員外赴江西

岐路窮無極長江九派分行人隨旅鴈楚樹入

湘雲久在征南役何殊薊北勲離心不可問歲
暮雪紛紛

送陸邃潛夫并序

頃者江淮征鎮屢有掄材之舉子不列焉有司
之過予方耕山釣湖避人如逃寇徒欲羅高鴻
捕深魚窮年竭日其可得也今齒髮向暮執勞
無力衆雛嗷嗷開口待哺如有知者予其行乎
無為自苦一絕賦長道

高山迴欲登遠水深難渡杳杳復漫漫行人別
家去

送陸潛夫

得雲字

何事千年遇聖君，坐令雙鬢老如雲。南行更入

深山舊

一作山深淺

岐路悠悠水自分

送陸潛夫往茅山賦得華陽洞效離騷

體

遊仙洞兮訪真官，奠瑤席兮禮石壇。忽焉歸兮雲擾杳陰深，兮夏寒欲迴頭兮揮手便辭家。兮可否有婚嫁兮嬰纏綿歸來兮已久

又送陸潛夫尋友

登山自補屐訪友不齋糧，坐歇青松晚行吟。白

日長人煙隔水見草氣入林香，誰作招尋侶清

齋宿紫陽

又

一作送陸潛夫

賦得越山三韻

西陵猶隔水北岸，已春山獨鳥連大去孤雲伴。客還祇應結茅宇，出入石林間

送盧郎中使君赴京

三年期上國萬里自東溟，曲蓋遵長道油幢憇。短亭楚雲山隱隱，淮雨草青青康樂多新興。題

詩紀所經

楊氏林亭探得古槎

千年古貌多八月秋濤晚偶被主人留那知來
近遠

送鄭二之茅山六言

水流絕澗終日草長深山暮春犬吠雞鳴幾處
條桑種杏何人

和王給事禁省梨花詠

巧解逢

一作迎

人笑還

一作備

能亂蝶飛春風時入戶幾

片落朝衣

同賦送遠客一絕

行蘧新樹深夢隔重江遠迢遞風日悶蒼茫洲

渚晚

送竇叔向

楚客怨逢秋閑吟興非一棄官守貧病作賦推
文律樵徑未沾霜茅簷初負日今看泛月去偶
見乘潮出卜地會為鄰還依仲長室

題蔣道士房

軒窗縹緲起煙霞誦訣存思白日斜聞道崑崙
有仙籍何時青鳥送丹砂

送鄭負外入茅山居

且見全家去寧知幾日還白雲迎谷口流水出

人間冠冕情一作人遺世神仙事滿山其中應有物
豈貴一身閑一作人貧人苦山風

送志彌師往淮南

已能持律藏復去禮禪亭長老偏摩頂時流尚
誦經獨行寒野曠旅宿遠山青春屬空相望鴻
飛已杳冥

謝韋大夫柳哉

本在
笳曲今從漢將營濃陰方待庇弱植豈
無情比雪花應吐藏烏葉未成五株蒙遠賜應
使號先生

問李二司直所居雲山六言

門外水流何處天邊樹遶誰家山色東西多少

朝朝幾度雲遮

劉侍御朝命許停官歸侍

孟孫惟問孝萊子復辭官幸遂溫清所其甘稼

稽難採芝供上藥拾槿奉晨餐棟裏雲藏兩山

中暑帶寒非時應有筍閑地盡生蘭賜告承優

詔長筵永日歡

夜集張諲所居得飄字

江南成久客門館日蕭條惟有圖書在多傷殯

髮彫諸生陪講誦稚子給漁樵虛室寒燈靜空
堦落葉飄滄洲自有趣誰道隱須招

酬權器

南望江南滿山雪此情惆悵將誰說徒隨羣吏
不曾閑顧與諸生為久別聞君靜坐轉耽書種
樹葺茅還舊居終日白雲應自足明年芳草又
何如人生有懷苦不展出入公門猶未免迴舟
朝夕待春風先報華陽洞深淺

寄劉方平大谷田家

故山聞獨往樵路憶相從水結泉聲絕霜清野
翠濃籬邊潁陽道竹外少姨峯日夕田家務寒
煙隔幾重

送雲陽少府

得歸字

渭曲春光無遠近池陽谷口倍芳菲官舍村橋
來幾日殘花寥落待君歸

曾山送別

淒淒遊子若飄蓬明月清罇祇暫同南望千山
如黛色愁君客路在其中

題高雲客舍

孤興日自深浮雲非所仰窻中西城峻樹外東

川廣晏起簪葛巾閑吟倚藜杖阮公道在醉莊
子生長養五柳轉扶踈千峯恣來往清秋香秔
穫白露寒菜長吳國滯風煙平陵延夢想時人
趨纓弁高鳥違羅網世事徒亂紛吾心方浩蕩
惟將山與水處處諧真賞

臺頭寺願上人院古松下有小松栽毫

未新生與織草不辨重其有陵雲干
霄之志與趙八負外裴十補闕同賦

之

細草亦全高秋豪乍堪比及至于霄日何人復

居此

清明日漁子溝寄趙負外裴補闕

欲逐淮潮上暫停漁子溝相知望不見終是屢
迴頭

送崔使君赴壽州

此詩又見
劉長卿集

列郡專城分國憂彤襜卓蓋古諸侯仲華遇主
年猶少公瑾論兵位已酬草色青青宜建隼蟬
聲處處雜鳴騶千里相思如可見淮南木落早
驚秋

奉和獨孤中丞遊法華寺

謝君臨郡府越國舊山川訪道三千界當仁五
百年巖空騶馭響樹密旌旌連閣影凌空壁松
聲助亂泉開門得初地伏檻接諸天向背春光
滿樓臺古製全羣峯爭彩翠百谷會風煙香象
隨僧久祥烏報客先清心乘暇日稽首慕良緣
法證無生偈詩成大雅篇蒼生望已久迴駕獨
依然

之京留別劉方平

客子慕儔侶含悽整晨裝邀歡日不足況乃前
期長離袂惜嘉月遠還勞折芳遲迴越二陵回

首但蒼茫喬木清宿雨故關愁夕陽人言長安
樂其奈緬相望

出塞

吹角出塞門前瞻即地三軍盡迴首皆灑望
鄉淚轉念關山長行看風景異由來征戍客負
得輕生義

赴李少府莊失路

君家南郭白雲連正待情久弄石泉月照煙花
迷客路蒼蒼何處是伊川

雨雪

風沙悲久戍，雨雪更勞師。
絕漠無人境，將軍苦戰時。
山川迷向背，氛霧失旌旗。
徒念天涯隔，中人芳草期。

館陶李丞舊居

盛名天下挹餘芳，棄置終身不拜郎。
詞藻世傳平子賦，園林人比鄭公鄉。
門前墜葉浮秋水，籬外寒臯帶夕陽。
日日青松成古木，祇應來者為心傷。

送劉兵曹還隴山居

離堂徒讌語，行子但悲辛。
雖是還家路，終為隴上人。
先秋雪已滿，近夏草初新。
惟有聞羌笛，梅花曲裏春。

同李三月夜作

霜風驚度鴈，月露皓踈林。
處處砧聲發，星河秋夜深。
同裴少府安居寺對雨
共結尋真會，還當退食初。
鑪煙雲氣合，林葉雨聲餘。
溽暑銷珍簟，浮涼入綺疏。
歸心念遠懷，此復何如。

送元晟歸潛山所居

英華作送王山人歸別業

深山秋事

一作意

早歸去復

一作意

何如裛露收新稼迎

寒葺舊廬題詩即招隱作賦是

英華作尺

閑居別後空

相憶嵇康懶寄書

送康判官往新安

此詩又見劉長卿集

不向新安去那知江路長猿聲近

一作比

廬霍水色

勝瀟湘驛樹收殘雨漁家帶夕陽何須愁旅泊

使者有輝光

宿洞靈觀

孤煙洞靈遠

英華作觀

積雪滿

英華作暮

山寒松柏凌高殿

莓苔封古壇客來清夜久仙去白雲殘明日開

金籙焚香更

英華作又

沐蘭

酬盧十一過宿

乞還方未遂日夕望雲林況復逢

一作經

春草何勞

一作妨問此心閑

英華作閑

門公務散枉策故情深遙

一作靜

夜

他鄉酒同君梁甫吟

酬裴十四

得宴字

淮海各聯翩三年方一見素心終不易玄髮何

須變舊國想平陵春山滿陽羨鄰雞莫遽唱共

惜良夜宴

奉和彭祖井

上公旌節在徐方舊井莓苔近寢堂訪古因知
彭祖宅得仙何必葛洪鄉清虛不共春池競盟
漱偏宜夏日長聞道延年如玉液欲將調鼎獻
明光

奉和對雪

英華作奉和王一作徐相公對雪

春雪偏當夜暄風却變寒庭深不復歸城曉更
宜看命酒閑一作全酌披裘晚未冠連營鼓角動
忽似戰桑乾

送蕭獻士

惆悵煙郊晚依然此送君長河隔旅夢浮客伴

孤一作調雲淇上春山直黎陽大道分西陵儻一弔
應有士衡文

賣藥人處得南陽朱山人書

賣藥何為者逃名市井居惟通遠山信因致逸
人書已報還丹效全將世事踈秋風景溪裏蕭
散寄樵漁

初出沅江夜入湖

放溜出江口迴瞻松栝深不知舟中月更引湖
間心

送裴負外往江南

分務江南遠留歡幙下榮楓林綠楚澤英華作水

驛到湓城岸草知春晚沙禽好夜驚風帆幾泊

處英華作日到處處暮潮清英華作平

奉和王相公早春登徐州城

落日憑危堞春風似故鄉川流通楚塞山色遶

徐方壁壘依寒草旌旗動夕陽元戎資上策南

畝起一作富耕桑

奉和待勤照上人不至

東洛居賢相南方待本師旌麾儼欲動杖一作杯錫

杳仍遲積雪迷何處驚風泊幾時大臣能護法

沈有故山期

古廟風煙積春城車騎過方修漢祖寺冥使沛

童歌寢帳巢禽出香煙水霧和神心降福處應

在故鄉多

苗韮尚和胡郎中揚子一作有翫雪寄山陰嚴維

凝陰晦長箔積雪滿通川征客寒猶去愁人晝

更眠謝家興詠日漢將出師年聞有招尋寺興隨

君訪戴船

君訪戴船

君訪戴船

多病辭官罷閑居作賦成圖書惟藥錄欲食止
黎羹學謝淹中術詩無鄴下名不堪趨建禮詎
是厭承明已輟金門步方從石路行遠山期道
士高柳覓先生性懶尤因疾家貧自省少營種
苗雖尚短穀價幸全輕痛詠投康樂壺飭就步
兵何人肯相訪開戶一逢迎陽元戎
暝色赴春愁歸人南渡頭渚煙空翠合灘月碎
光流澧浦饒芳草滄浪有釣舟誰知放歌客此
意正悠悠

送鄭二員外
置酒竟長宵送君登遠道羈心看旅鴈晚泊依
秋草秋草尚芊芊離憂亦渺然元戎辟才彥行
子犯風煙風煙積惆悵淮楚殊飄蕩明日是重
陽登高遠相望是楚楚風
四牡驅馳千里餘越山稠疊海林踈不辭終日
離家遠應為劉公一紙書絕汗漫往還遲君但
使君朝北闕車騎發東方別喜天書召寧憂地

脉長山行朝復夕水宿露為霜秋草連秦塞孤
帆落漢陽新銜趨建禮舊位識文昌惟有

隨南鴈翔

四卦驅送田濟之揚州赴選
家貧不自給求祿為荒年調補無高位卑棲屈
此賢江山欲霜雪吳楚接風煙相去誠非遠離
心亦渺然
送袁郎中破賊北歸
優詔親賢時獨稀中塗紫綬換征衣黃香省闈
登朝去楊僕樓船振旅歸萬里長聞隨戰角十

年不得偃郊扉

但將詞賦奏

恩輝

同李萬晚望南嶽寺懷普門上人

釋子身心無垢紛獨將衣鉢去人羣
松林寺惟有鐘聲出白雲

未如柴酬崔侍御期籍道士不至兼

英華有寄

一心求妙道幾歲候真師丹竈今何在

雲無定期崑崙景致
絕汗漫往還遲君但

焚香待
英華作煙景

送裴陟歸常州

夜雨須停棹秋風暗入衣見君常北望何事却南歸

送韋山人歸鍾山所居

逸人歸路遠弟子出山迎服藥顏雖駐耽書癖

未成柴扉度歲月藜杖見公卿更闕儒林傳還

應有姓名有靈靈

和袁郎中破賊後經剡中山水

武庫分帷幄儒衣事鼓鼙兵連越徼外寇盡海

門西節比全踈勒功當雪會稽旌旗迴剡嶺十

馬濯一作靈靈英華作邪溪受律梅初發班師草未齊行

看佩金英華作鏡印豈得訪丹梯

徐州送丘侍御之越

時鳥催春色離人惜歲華遠山隨擁傳芳草引

還家北固潮當闊西陵路稍斜縱令寒食過猶

有鏡中花

閑居六言

桃紅復含宿雨柳綠更帶春煙花落家童未掃

鶯啼山客猶眠

送延陵法師赴上元英華作往上都

延陵初罷講建業去隨緣翻譯推多學壇場最

少年浣衣逢

英華作隨

野水乞食向人煙徧禮南朝寺

英華作南峯頂

焚香古像前

賦得海邊樹

歷歷緣荒岸冥冥入遠天每同沙草發長共水雲聯
搖落潮風早離披海雨偏故傷遊子意多在客舟前

題昭上人房

沃洲傳教後百衲老空林慮盡朝昏磬禪隨坐
卧心鶴飛湖草迴門閉野雲深地英華作願與天台接
中峯早晚尋

寄韋司直

此詩又見郎士元集

聞君感歎二毛初舊友相依萬里餘烽戍有時
驚暫定甲兵何處可安居客來吳地星霜久家在平陵
音信踈昨夜春風還入戶登山臨水復何如

送魏十六還蘇州

秋夜沈沈此送君陰蟲切切不堪聞歸舟明日
毘陵道迴首姑蘇是白雲

婕妤怨

內不詠團扇今已值秋風事逐時皆往恩無日

正中早鴻聞上苑寒露下深宮顏色年年謝一作異
相如賦豈工

送客

旗鼓軍威重關山客路賒待封甘度隴迴首不
思家城下春山路營中瀚海沙河源雖萬里音

信寄東查

一作來賒

秋日東郊作

閑看秋水心無事卧對寒松英華作林手自栽廬岳高

僧留謁別茅山道士送一作寄書來燕知社日辭巢

去菊為重陽冒雨開淺薄將何稱獻納臨歧終

日自遲迴

秋夜宿嚴維宅

昔聞玄度宅門向會稽峯君英華作居住東湖下清風

繼舊蹤秋深臨水月夜半隔山鐘世故多離別

良宵詎可逢

送魏六侍御葬

矣葬寒郊外行將何所從盛曹徒列指新墓已

栽松海月同千古江雲覆英華作復幾重舊書曾諫獵

退草議登封疇昔輕三事常期老一峯門臨商

頌道窻引洛城鐘應積泉中恨無因世上逢招

尋偏見厚踈慢亦相容張范惟通夢求羊永絕
縱誰知長卿疾歌賦不還印

送普門上人

英華有還陽羨二字書曾集此詩又見皇甫集

花宮難

英華作難

久別道者憶千燈殘雪入林路沉

英華作暮

山歸寺僧日光依嫩草泉響滴春冰何用求方便
看心是一乘

送張道士歸茅山謁李尊師

向山獨有一人行近洞應逢雙鶴迎常以素書

傳子弟

英華作弟子

還因白石號先生無窮杏樹行時

英華作何年

種幾許芝田向

英華作帶

月耕師事少君年歲久

欲隨旄節往層城

皇甫補闕詩集卷下

皇甫補闕詩集補遺

東郊迎春

曉見蒼龍駕東郊春已迎綵雲

一作旄

天仗合玄象

太階平佳氣山川秀和風政令行鉤陳霜騎肅

御道兩師清律向韶陽變人隨草木榮遙觀上

林苑今日遇遷鶯

逢莊納因贈

世故還相見天涯共向東春歸江海上人老別

離中郡吏名何晚沙鷗道自同甘泉須早獻且

莫歎飄蓬

送李山人還

從來無檢束只欲老煙霞
雞犬聲相應深山有幾家

招隱寺送閻判官還江州

離別那逢秋氣悲東林更作上方期
共知客路浮雲外暫愛僧房墜葉時
長江九派人歸少寒嶺千重鴈度遲
借問潯陽在何處每看潮落一相思

酬裴補闕吳寺見尋

東林初結構已有晚鐘聲
窻戶背流水房廊半

白首南朝女愁聽異域歌
收兵頡利國飲馬胡盧河
毳布腥膻久穹廬歲月多
鷗巢城上宿吹笛淚滂沱

祖席駐征棹開帆信候潮
隔煙桃葉泣吹管杏

紅蕉已上見文苑英華

送鄭秀才貢舉

去意如何知隨貢士科
吟詩向月路驅馬出煙蘿
晚色寒蕪遠秋聲候鴈多
自憐歸未得相

送一勞歌

見唐詩類苑

皇甫補闕詩補遺

貢士林今特向良各歸再出

意懷亦上貢舉官還江州

此詩上員文苑卷中更作上方期共知各格

此詩上員文苑卷中更作上方期共知各格

此詩上員文苑卷中更作上方期共知各格

此詩上員文苑卷中更作上方期共知各格

此詩上員文苑卷中更作上方期共知各格

此詩上員文苑卷中更作上方期共知各格

皇甫侍御詩集卷首

傳略

皇甫曾字孝常冉之弟也天寶十二載第進士
歷侍御史坐事徙舒州司馬陽翟令詩名與兄
相上下時比之張氏孟陽孟陽云高仲武云昔
孟陽之與景陽詩品一慙厥弟今侍御較補闕
體制清潔華不勝文一寒生五湖道春及萬年
枝五言之選也其為士林所尚宜哉徐獻忠唐
詩品云景陽華淨遂掩哲昆平原英瞻竟難家
弟是以世乏聯苞之鳳情欣並蒂之華物猶如

此況復以士邪皇甫兄弟仕道既同才名亦配
渤海高生猶持不足之歎豈憐才之本意乎侍
御律調澄泓聲文華潔俯視當世殆已飄然木
末矣雖紫露碧落未堪方駕亦何可少唐音丁
籤云集一卷唐志無宋志有其詩多與權德輿
相混今稍加是正然亦不能盡明也今刻詩一
卷補遺五首

皇甫御史詩集目錄

丹陽

皇甫曾生孝常

陪韋中丞遊鶴林寺

送杜侍御還京

酬鄭侍御

酬竇拾遺

韋使君宅海榴

送李中丞歸本道

和謝舍人雪夜

傷陸處士

烏程水樓留別

西陵寄一公

贈吳門邕上人

送著公歸越

送陸鴻漸採茶

寄劉負外長卿

寄張衆甫

送元侍御使湖南

送韓司直

晚至華陰

送孔微士

秋興

送歸中丞使新羅

送少微上人

送韋判官赴閩中

送人往荊州

寄淨虛上人

尋劉處士

和杜相公移長興

洛中口號

山中泉

早朝寄所知

秋夕寄懷契上人

張芬見訪

贈鑒上人

寄中書王舍人

送湯中丞和蕃

送和西蕃使

送王相公赴幽州

送徐大夫赴南海

贈霈禪師

峯嶺西望

送權曙

送王司直

同杜相公對山僧

皇甫御史詩集目錄

皇甫御史詩集

丹陽 皇甫曾 孝常

奉陪韋中丞使君遊鶴林寺

古寺傳

一作傳

燈久層城閉閣閑香花同法侶旌旆

入深山寒磬虛空裏孤雲起滅閒謝公憶高卧

徒御

英華作望

欲忘

一作東

還

奉送杜侍御還京

英華作送杜中丞還京

罷戰回龍節朝天識鳳池寒生五湖道春及萬

年枝召

一作郡

化多遺愛胡

一作官

清已畏知懷恩偏

一作多

感別墮

一作墜

淚向旌麾

皇南... 酬鄭侍御英華作高郵秋夜見寄

搖落空林夜河陽興已生未一作欲辭公府步知結

遠山情高柳風難定寒泉月助明袁公方卧雪

尺素及柴荆

酬竇拾遺秋日見呈時此公自江陰令除諫官

孤城永巷時相見衰柳閑門日半斜欲送近臣

朝魏一作關猶憐殘菊在陶家香林同去引詩林

韋使君宅海榴詠

淮陽卧理有清風臘月榴花帶雪紅閉閣寂寥

罕對此江湖心在數枝中

送李中丞歸本道景山林西與門人

上將宜分閫一作選專席雙旌復去一作出秦關河三晉路

賓從五原人碣石山通海滹沱英華作彪池雪度春一作

孤戍雲連海平沙雪度春酬恩看玉劍何處有煙塵

和謝舍人雪夜寓直

禁省夜沈沈春風雪滿林滄州歸客夢青瑣近

臣心揮翰宣一作直鳴玉承恩在賜金建章寒漏起

更助掖垣深

傷陸處士

從此無期見柴門對雪開二毛逢世難萬恨掩

泉臺返照空堂夕孤城吊客迴漢家偏訪道猶
畏鶴書來

更如外鳥程水樓留別

悠然千里去惜此一樽同客散高樓上帆飛細
雨中川程隨遠水楚思望青楓共說前期易滄
波處處通

西陵寄一公

即皇甫冉西陵遇風處一首

題贈吳門邕上人

春山唯

一作臨

一室獨坐草萋萋身寂心成道花開

一作

鳥自啼細泉松徑裏返景竹林西晚與門人

別依依出虎谿

送著公歸越

誰能愁此別到越會相逢長憶雲門寺門前十
萬峯石牀埋積雪山路倒插松葉亭白衣士無
人知去蹤

送陸鴻漸山人採茶迴

已見皇甫再集

千峯待逋客香茗復叢生採摘知深處煙霞羨

獨行幽期山寺遠野飯石泉清寂寂燃燈夜

英華作火

相思磬

一作聲

寄劉負外長卿

南憶新安郡千山帶夕陽斷猿知夜久秋草助

江長踈英華髮應成素青松獨耐霜愛才稱漢主

題柱待回鄉一作劉郎

寄張衆甫

悲風還一作生舊浦雲嶺隔東田伏臘同雞黍柴門

閉雪天孤村明夜火稚子候歸船靜者心相憶

離居畏度年

送元侍御充使湖南

雲夢南行盡三湘萬里流山川重分手英華徒御

亦悲秋白簡勞工事清猿助客愁離羣復多病

歲晚憶滄洲

送韓司直此詩見郎士元集又見劉長卿集

遊吳還適越來往任風波復送下孫去其如芳

草何岸明殘雪在潮滿夕陽多季子留遺廟停

弄試一過

晚至華陰

臘盡促歸心行人及華陰雲霞仙掌出松柏古

祠深野渡冰生岸寒川燒隔林溫泉看英華漸遠

一作近宮樹晚沈沈

送孔徵士

谷口幽一作山多處君歸不可尋
家貧青史在身老
日雲深埽雪開
松徑疏泉過竹林
余一作餘生負丘壑
相送亦何心

賦盡秋興

流螢與落葉
秋晚共紛紛
返照城中盡
寒砧雨外聞
離人見衰鬢
獨鶴暮何羣
楚客在千里
相思看碧雲

送歸中丞使新羅

南憲銜恩去
東夷泛海行
天遙辭上國
水盡到孤城
已變炎涼氣
仍愁浩淼程
雲濤不可極
來

往見雙旌

送少微上人東南遊

石梁人不到
獨往更迢迢
乞食山家少
尋鐘野寺遙
松門風自掃
瀑布雪難消
秋夜聞清梵
餘音逐海潮

送韋判官赴閩中

已見皇甫集

孤棹閩中客
雙旌海上軍
路人從北少
嶺水向南分
野鶴傷英華作驚秋別林猿
忘夜聞漢家
崇亞相知子遠
邀勲

送人往荊州

草色隨驄馬悠悠同出秦水傳雲夢曉山接洞
庭春帆影連三峽猿聲近四鄰青門一分首難
見杜陵人

寄淨虛上人初至雲門

寒蹤白雲裏法侶自提攜竹逕通城下松門隔
水西方同沃洲去不似武陵迷騷心知處高
峯是會稽

尋劉處士

幾年人不見林下掩柴關留客當清夜逢君話
舊山隔城寒杵急帶月早鴻還南陌雖相近其

如隱者閑

奉和杜相公移入長興宅奉呈諸宰執

欲向幽偏適還從絕地移秦官鼎食貴堯世土
階卑戟戶槐陰滿書窻竹葉垂才分干

一作夜漏

遙隔萬年枝北闕深恩在東林遠夢知日斜門

掩映山遠樹參差論道齊鴛

一作

翼題詩憶鳳池

從公亦何幸長與佩聲隨

洛中口號

還鄉不見家年老眼多淚車馬上河橋城中好
天氣

漾漾帶山光
泚泚倒林影
那知石上喧
却憶英華作益
山中靜

早朝日寄所知

長安歲一作後見歸鴻
紫禁朝天拜舞同
曙色漸

分雙一作滿聲遙在
花中盞煙乍起
閑仙

仗玉佩一作引上公共荷
發生同雨露不應黃

葉久從

秋夕寄懷契一作上人

已見擣花胡一作女靈
獨一作鶴一作在久羣
真僧

出世心無事
靜夜名香手自焚
窻臨絕澗聞流
水客至孤峯掃
白雲更想清晨
誦經處獨看松
上雪紛紛

張芬見訪郊居作已見皇甫冉集

林中雨散早涼生
已有迎秋促織聲
三逕荒蕪

羞對客十年衰老
愧稱兄
愁心自惜江籬晚一作短

世事方看木槿榮
君若罷官攜手去
尋山莫計

白雲程

贈鑒上人精野直坐中宵
夏浴

律儀傳教誘僧臘
老煙霄
樹色依禪誦
泉聲入

寂寥寶龕經末劫畫壁見南朝深竹風開合寒
潭月動搖息心歸靜理愛道坐中宵更欲尋真
去乘船過海潮

世尊大奉寄中書王舍人
腰金載筆謁承明至道安禪得此生西掖幾年
綸綍貴東山遙夜薜蘿情風傳刻漏星河曙川
上梧桐雨露清聖主好文誰為薦閉門空賦子
虛成

木客至送湯中丞和蕃賦
送湯中丞和蕃賦

繼好中司出天心外國知己傳堯雨露更說漢
威儀隴上應迴首河源復載馳孤峯問徒御空
磧見旌麾春草鄉愁起邊城旅夢移莫嗟行地
遠此去荅恩私

白簡初分命黃金已在腰恩華通外國徒御發

中朝雨雪從邊起旌旗上隴遙暮天沙漠漠空
噴馬蕭蕭寒路隨河水關城見柳條和戎先罷
戰知勝霍嫖姚

送王相公赴幽州
送王相公赴幽州

百衲兼戎律勤憂秉化元鳳池東掖寵龍節北

方尊長路山河轉前驅鼓角喧人安布時令地
遠荅君恩暮日平沙迥秋風大旆翻漁陽在天
末戀別信陵門

送徐大夫赴南海
舊國當分闡天涯荅聖私大軍傳羽檄老將
旌旗位重登壇後恩深弄印時何年諫獵賦
日飲泉詩海內求民瘼城隅見島夷由來黃霸
去自有上台期

贈霈禪師

南嶽滿湘源吾師經利涉身歸沃洲老名與支

公接淨教傳荆吳道緣正漁獵觀空色不
境心自愜室中人寂寞門外山稠疊天台積
夢早晚當負笈

粵嶺西望

漢家仙仗在咸陽洛水東流出建章
猶望幸離宮秋樹獨蒼蒼

送權曙

英華作驛一作曙 以
三首諸本俱作皇而再詩

淮海風濤起江關幽英華
作憂思長同悲鵲綠樹獨

鴈隨陽山晚雲和雪汀寒月照霜由來濯纓
漁父愛滄浪

送王司直

西塞雲山遠東風道路長人心勝潮水相送
潯陽

同杜相公對山僧

吏散重門掩僧來閣復閑遠心馳北闕春興
東山草長風光裏鶯啼靜默間芳辰不可駐
悵暮禽還

皇甫御史詩集

皇甫御史詩集補遺

玉山嶺上作

悠悠驅匹馬征路上連岡晚翠深雲竇寒臺渾
石梁秋花偏似雪楓葉不禁霜愁見前程遠空
郊下夕陽

國子柳博士兼領太常博士輒申賀贈

博士本秦官求才帖職難臨風曲臺淨對月碧
池寒講學分陰重齋祠曉漏殘朝衣辨色處雙
綬更宜看

贈老將

白草黃雲塞上秋曾隨驃騎出并州
鞭轡劍折虬髯白轉戰功多獨不侯

已上見文苑英華

送商州杜中丞赴任
安康地理接商於帝命專城總賦輿
夕拜忽辭青瑣闥晨裝獨捧紫泥書
深山古驛分騶騎芳草閑雲逐隼旗
綺皓清風千古在因君一為謝巖居

送裴秀才貢舉

儒衣羞此別去抵漢公卿賓貢年猶少
篇章藝已成臨流惜暮景話別起鄉情
離酌不辭醉

江春草生

杖錫歌送明楚上人歸佛川

上人遠自西天至頭陀行徧南朝寺
口翻貝葉古字經手持金策聲泠泠
護法護身惟振錫石瀨雲溪深寂寂
乍來松徑風露寒遙映霜天月成魄
後夜空山禪誦時寥寥挂在枯樹枝
眞法常傳心不住東西南北隨緣路
佛川此去何時迴應眞莫便游天台

已上見唐詩類苑

皇甫御史詩補遺

唐次齊抗皆師事之性孝友其為文章明善惡
長於議論晚嗜琴有眼疾不肯治欲聽之專也

唐韓昌黎曰憲公躬孝踐行篤實而辨勸飭

指誨以示後生見子郁墓志計氏曰及於天寶十三載

憲洞曉立經科唐實錄稱韓愈師其為文云通

計氏曰時號獨孤常州及與薛華于逖畢耀友

善安定梁肅敘其文附集善乎崔祐甫之言曰

常州之文立憲垂誠褒賢過惡為用議論最長

其或列於碑頌流於詠歌峻如嵩華盛如江河

六云藝文志毗陵集二十卷門人李舟梁肅作

序末載崔祐甫碑志陳氏曰及子郁字古風亦

有名韓愈志其墓今刻詩一卷

昌黎集目錄

朝散大夫使持節常州諸軍事守常州刺史賜紫金魚袋獨孤

第一卷

夢遠遊賦

壬辰歲過舊居

夏中酬于述畢燿問病見贈

三月三日自京到華陰水亭獨酌寄裴六

薛八

海上寄蕭立

酬梁二十宋中所贈兼別梁少府

東平蓬萊驛夜宴平盧楊判官醉後贈別
觀海

雨後公超谷北原眺望寄高拾遺

丙戌歲正月出洛陽書懷
季冬自嵩山赴洛道中作韻

代書寄裴冀劉穎

客舍月下對酒醉後別畢燿

庚子歲避地至玉山酬韓司馬所贈

下弋陽江舟中代書寄裴侍御

題思禪寺上方

蚤發若峴驛望廬山

癸卯歲赴南豐道中聞京師失守寄權士

繇韓幼深

初晴抱琴登馬退山對酒望遠醉後作

賈貢外處見中書賈舍人巴陵詩集覽之

懷舊代書寄贈

寒夜溪行舟中作

江上代書寄裴使君

與韓侍御同尋李七舍人不遇題壁留贈

李張皇甫閻權等數公並有送別之作見

寄因題答

第二卷

送陳兼應辟兼寄高適賈至

蚤發龍沮館舟中寄東海徐司倉鄭司戶

海上懷華中舊遊

將還越留別豫章諸公

雜詩

山中春思

傷春懷歸

九月九日李蘇州東樓宴

李鄉東池夜宴

將赴京荅李紆贈別

江寧酬鄭縣劉少府贈別

送號州王錄事之任

送長孫將軍拜歙州之任

送何員外使湖南

送江陵全少府赴任

送虞秀才之長沙

送陽翟張主簿之任

送李賓客荆南迎親

酬常郿縣

送游真外赴淮西

送馬鄭州

蕭文學山池宴集

送荆南張判官

送義烏韋明府

送相里郎中赴江西

和虞部韋郎中尋楊駙馬不遇

和贈遠

和題藤架

官渡柳歌送李真外赴揚州

同岑郎中韋真外花樹歌

奉和李尚書畫射虎圖歌

第三卷

代書寄上李廣州

自東都還濠州奉酬王八諫議

酬皇甫侍御望天灞山見示

垂花塢醉後戲題

登山谷寺上方答皇甫侍御卧疾闕陪車

前騎之贈

詣開悟禪師問心法次第寄韓郎中

喜辱韓十四郎中書兼封近詩見示因代

書題答

同皇甫侍御齋中春望見示

荅李滁州題庭前石竹花見寄

暮春於山谷寺上方遇恩命到加官賜服

酬皇甫侍御見賀之作

和張大夫秋日有懷呈院中諸公

和張大夫秋夜書情

傷春贈遠

送陳王正府張長史還京

荅皇甫侍御北歸留別

得柳負外書封寄近詩書中兼報新主行

營兵馬因代書戲荅

同徐侍郎五雲溪新庭重陽宴集作

和中書常舍人晚秋集賢院即事寄贈徐

薛二侍郎

登後湖亭傷春懷京師故舊

荅李滁州見寄

水西館泛舟送王負外

得李滁州書以玉潭莊見託因書春思以

詩代答

題玉潭亭對春對京相如舊

答李滁州憶玉潭新居見寄

和李大夫同呂評事太行苦熱行兼寄院

中諸公

雨晴後陪王負外泛後湖

陪王負外北樓待月

答皇前省吟北體留限

文集目錄

昆陵集卷第一

朝散大夫使持節常州諸軍事守常州刺史賜紫金魚袋獨孤及

夢遠遊賦

老氏稱吾所以有大患者為吾有身大哉聖人

之知微乎夫生者一氣之暫聚耳有天地之和

自然之力以運其行止節其天壽非智力之所

能扶明矣而舉世矻矻莫不保持形骸謂為已

有執迷妄往而不返小者攘禮樂竊忠信以質

譽大者盜天地之權至於忘身道德之衰皆此

物也余生於浮而長於妄汨沒當世與羣動俱

不智不能逃形於聲名之韁鎖脫屣於冠冕之
籠檻及其世界顛倒萬物反覆始返照收視以
觀身世然後知一生之患假合豈直芻狗土苴
熱燄聚沫而已則我之身也與百憂偕長沉重
險之中乎思欲沖三清出五濁乘陵虛極與造
物者爲伍莫有由矣嘗中夜夢飛升太空若有
以名跡見誚者覺而自失乃爲賦以狀遠遊且
旌悟道之晚也其詞曰

仰太素兮觀元精之烟熅孰官司乎物物兮得
流形而爲人太皞遺我八卦藏天地於文字黼
而黻之爲聖爲智褒衣之徒相與擊建鼓而揭
日月兮奔孝慈而走仁義其弊也古是而今非
身賤而名貴驂驪馭還兮道路屯雲而奔波絢
煥轆轤兮玉帛鐘鼓之駢羅霍燬鬱密兮心懸
天地而火馳蒼黃兮得未終也而失已繼之百
骸與日月並走五藏與哀樂交戰義和未及弭
轡榮枯紛而萬變何生涯之倖倖兮蹇吾降此
中州憑世道以上下若涉水而無津兮與吹萬
同其波流況世緒坱圠兮如棼絲之相摻見辰
極之低昂兮知杞人之殷憂顧兔呀以蝕月兮

閉而雲愁鳳凰焚其故巢兮遶舊國以失
其居兮以上薄兮虞羅紛其四周吾始未知
六合之隘之若此孰與吾兮遠遊豈無太清
之路兮夫何漫漫而迢遰望帝鄉之低徊兮微
雲之逝澄子神於遙夜與顛氣期乎無
浪與波沕以傍感精誠薰然而來親歛乘夢
以由飛墀主靈以上賓望見碧落天地如掌洞
開八門別有萬象亭亭物外乘化直上身世雙
遺獨與道往其往也泛兮若游魚振鱗而泳清
川問兮若翔鴈得順風而緣秋天忽不知予誰

之身天何爲者架入空界七耀在下問予津於
混茫兮蹇徜徉以延佇若有人兮縹緲指人間
以唁予曰鳳兮鳳兮何德之睽天固桎若以禮
義桎若以機事盍支離其德而逃乎物累使逸
翻可得而籠樊兮孰云夫五色之自異天運地
載剛柔生焉千變萬化如環無端彼興廢與往
復同大壑之波瀾將今歸根明徵其源則吾與
若皆幻也又奚睢盱於其間幻未始有封物未
始有疆成則虧進則傷無汨而和無易而方山
立其中央善汝行密汝藏道將自光吾在大羅

之上上之郁之所乾坤為家日月為宇噓嗶元氣
 大虛之下音戶尚一乃心勿謂道阻遊乎無窮吾
 顧見汝奉真告以自省兮五情怒其增熱哀攀
 龍之無階兮思過天之曷月來知去下方幾萬
 億兮退特返遵吾歸轍循玉虛以下降濟銀漢
 以中歇憑東井以俯視識故國之城闕十門萬
 戶遙如蟻穴百川綺紛五嶽羅列覓舊山與喬
 木纔依希而明滅見伊川大道鞠為戎狄歷陽
 故人半作魚鼈曩之奔命於市朝者如紛紜飛
 馳譟請嗷嗷蹙蹙躑躅肖翹陸離若畿蠶之

壞絮蜘蛛之乘遊絲吾乃今日識羣動之變
 兮莞然倚長空而笑之亦既自得周覽未畢
 焉形開萬象如失羣有儼以皆作百慮續其來
 歸乃夙昔之人寰如故時之喧卑向之俯仰欣
 感無非妄者然後知吾之生也與妄皆生邪氣
 乘之萬緣合併為憂為患為虧為盈彼君子方
 碌碌然自以為覺猶飾妄以賈名安知聖人不
 以世間介為重狴生死為大夢視變化與品類亦
 猶神交飛動與遺物以顧身兮悟生浮而質陋
 以一氣之倏忽與萬物而紛糅自視俄然寄形宇

宙尚何能濡首於榮辱之境甘心於哀樂之固
鷦鷯于飛載翩載翻君子至止棲息化元獨立
道樞怡神胚渾萬物轉薄吾真長存止水不波
浮雲無根與時盈虛委質乾坤倚伏相軋吉凶
同源物各自爾予欲無言優哉游哉聊以窮年
壬辰歲過舊居
少年事遠遊出入燕與秦離居歲周天猶作勞
歌人以劍度潁水歸馬自知津緣源到舊廬攬
涕尋荒藁鄰里喜相勞壺觴展殷勤酒闌擊筑
語及離會因丈夫隨世波豈料百年身今日

負鄙願多慙故山春

夏中酬于述平耀問病見贈

救物智所昧學仙願未從行藏兩乖角蹭蹬風
波中薄官恥降志卧疴非養蒙閉關涉兩旬羈
思浩無窮鸞鷲何處來雙舞下碧空離別隔雲
雨惠然此相逢把手賀疾間舉杯欣酒濃新詩
見久要清論敷深衷高館舒夜簟開門延微風
火雲赫嵯峨日暮千萬峯遙指故山笑相看撫
號鍾聲知由心親事感知氣同出處未易料且
歌緩愁容願君崇明德歲暮如青松

三月三日自京到華陰水亭獨酌寄裴

六薛八

祇役匪遑息經時客三秦還家問節候知到上
巳辰山縣何所有高城閉青春和風不吾欺桃
杏滿四鄰舊友適遠別誰當接歡欣呼兒命長
瓢獨酌湘吳醇一酌一朗詠既酣竟亦申言筌
斲兩忘霞月祇相新裴子塵表物薛侯席上珍
寄書二傲吏何日同車茵詎肯使空名終然羈
此身他年解柱牯長作海上人

海上寄蕭立

朔風翦塞草寒露日夜結行行到瀛壖歸思坐
暮節驛樓見萬里延首望遼碣遠海入大荒平
蕪際窮髮舊國在夢想故人胡且越契闊阻風
期荏苒成兩別海西望京口兩地各天末索居
動經秋再笑知曷月日南望中盡唯見飛鳥滅
音塵未易得何由慰飢渴

酬梁二十宋中所贈兼留別梁少府

少讀黃帝書肯不笑機事意猶負深衷未免名
跡累厭貧學干祿欲徇賓王利甘爲風波人豈
復江海意擔簦平臺下是日飲羈思逢君道寸

心驚喜一交臂緒言未及竟離念已復至甯陵
望南丘雲雨成兩地塗殊跡方間河廣流且駛
暮帆望不及覽贈心欲醉愛君如金錫昆弟皆
茂意奕赫連絲衣榮養能錫類君子道未長深
藏書雲器巨鱗有縱時今日不足議唯當加餐
飯好我袖中字別離動經年莫道分首易

東平蓬萊驛夜宴平盧楊判官醉後贈

別姚太守置酒留宴

驛樓漲海壖秋月寒城邊相見自不足況逢主
人賢夜清酒濃人如玉一斗何嘗直十千木蘭

爲樽金爲杯江南急管盧女弦齊童如花解郢
曲起舞激楚歌採蓮固知別多相逢少樂極哀
至心嬋娟少留莫辭醉前路方悠然明日分飛
倘相憶祇應遙望西南天

觀海

北登渤澥島迴首秦東門誰尸造物功鑿此天
池源瀕洞吞百谷周流無四垠廓然混茫際望
見天地根白日自中吐扶桑如何捫超遙蓬萊
峯想像金臺存秦帝昔經此登臨異飛翮揚旌
百神會望日羣山奔徐福竟何成羨門徒空言

唯見石橋足千年潮水痕

雨後公超谷北原眺望寄高拾遺

崖口雨足收清光洗高天虹霓斂殘靄山水含
碧鮮遠空霞破露月輪薄雲片片成魚鱗五陵
如薺涓如帶目極千里關山春朝來爽氣未易
說畫取花峯贈遠人

丙戌歲正月出洛陽書懷

往歲衣褐見受服金馬門擬將思與貞來酬主
人恩天地暫雷兩洪波生平原窮鱗遂蹭蹬夙
昔事罕存幸逢帝出震授鉞清東藩白日忽再

中萬方咸駿奔王風從西來春光滿乾坤蟄蟲
競飛動余亦辭籠樊遭遇思自強寵辱安足言
唯將四方志回首謝故園

季冬自嵩山赴洛道中作

皇運偶中變長蛇食東土天蓋西北傾衆星殞
如雨胡塵動地起千里聞戰鼓死人成爲阜流
血塗草莽策馬何紛紛捐軀抗豺虎甘心赴國
難誰謂茶葉苦天子初受命省方造區宇斬鯨
安溟波截鼉作天柱三微復正統五玉歸文祖
不圖漢官儀今日忽再覩升高混京邑佳氣連

海浦寶島歌景雲明堂舞干羽虎臣激昂

禦侮腐儒著縫掖何處議鄒魯西上輾轉

山丘陵橫今古和風蒸萬物臘月春靄吐得為

太平人窮達不足數他日遇封禪著書繼三五

代書寄裴六與劉二穎

昔余馬首東君在海北入聲盡屏簿領書相與

議巖穴載來詣佳境每山有車轍長嘯林木動

高歌唾壺缺此辭月未周虜馬嘶絳闕猛虎踞

大道九州當中裂聞君棄孤城猶自握漢節恥

棲惡木影忍與故山別脫舄挂嶺雲罔然若鳥

逝入聲唯留潺湲水分付練溪月爾來大谷梨白

花再成雪關梁限天險歡樂竟兩絕大盜近削

平三川今底寧句芒布春令屏翳收雷霆伊洛

日夜漲鳴臯蘭杜青騫騫兩黃鵠何處遊青冥

疇昔切玉刃應如新發硎及時當樹勳高懸景

鍾銘莫抱白雲意徑往丹丘庭功成儻長挹然

後謀滄溟

客舍月下對酒醉後寄畢四燿

鄉路風雪深生事憂患迫天長波瀾廣高舉無

六翮獨立寒夜移幽境思彌積霜月照膽淨銀

河入簷白沽酒聊自勞開樽坐簷隙主人奏絲
桐能使高興劇清機斲無累獻酢更絡繹慷慨
葛天歌惜惜廣陵陌既醉萬事遣耳熱心亦適
視身元如泥瞪目傲今昔故人間城闕音信兩
脉脉別時前盟在寸景莫自擲先是畢贈及詩云洪爐
無火停日月速若飛忽
然道人身飲
酒不須疑心與白日鬪十無一滿百寓形薪火內
甘作天地客與物無親踈斗酒勝竹帛何必用
自苦將貽古賢責

庚子歲避地至玉山酬韓司馬所贈

滄海疾風起洪波駭恬鱗已無濟州分甘作乘

桴人揮手謝秣陵舉帆指甌閩安知風塵表偶
與瓊瑤親共悲行路難況逢江南春故園忽如
夢返復知何辰曠野豺虎滿深山蘭蕙新在君
灞陵什迴首徒酸辛

吳下弋陽江舟中代書寄裴侍御

故鄉隔西日去水連長天前路知幾許但指天
南邊愴恨極浦外隱映青山連東風滿帆來五
兩如弓弦遙羨繡衣客罔然馬首先得餐武昌
魚不顧潯陽田屈指數別日忽乎成兩年百花
已滿眼春草漸碧鮮豈是離居時奈何于役牽

洞庭有深涉曷日期歸旋且作異鄉料詎知攜
手緣離憂未易銷莫道樽酒賢

題思禪寺上方

溪口聞法鼓停橈登翠屏攀雲到金界合掌開
禪扃鬱律衆山抱空濛花雨零老僧指香樓云
是不死庭眇眇於越路茫茫春草青遠山噴百
谷繚繞馳東溟目極道何在境照心亦冥駭然
諸根空破結如破瓶下視三界狹但聞五濁腥
山中有良藥吾欲墮天形

早發若峴驛望廬山

雨罷山翠鮮泠泠東風好斷崖雲生處是向峯
頂道誰謂峯頂遠跂予可瞻討忘緣祛天機脫
屣恨不早祗恐歲云暮遂與空名老心往跡未
并慙媿山上草

癸卯歲赴南豐道中聞京師失守寄權

士繇韓幼深

種田不遇歲策名不遭時胡塵晦落日西望泣
路岐猛虎嘯北風麇麇皆載馳深泥駕疲牛蹠
蹕余何之詰屈白道轉繚繞清溪隨荒谷嘯山
鬼深林啼子規長歎指故山三奏歸來詞不逢

眼中人調苦卓倭遲士繇松筠操泐深瓊樹姿
別來平安否何階一申眉白雲失帝鄉遠水限
天涯昂藏雙威鳳曷月還兩枝努力愛華髮盛
年振羽儀但令屯難康不負滄洲期莫作新亭
泣徒使夷吾嗤

初晴抱琴登馬退山對酒望遠醉後作
年長心易感況爲憂患纏壯圖迫世故行止兩
茫然王旅方伐叛虎臣皆被堅魯人著儒服甘
就南山田挈榼上高磴超遙望平川滄江大如
緹隱映入遠天荒服何所有山花雪中燃寒泉

得日景吐雷鳴湔湔舉酒勸白雲唱歌慰頽年
微風度竹來韻我號鍾弦一彈一引滿耳熱知
心宣曲終余亦酣起舞山水前人生幾何時太
半百憂煎今日羈愁破始知濁酒賢

賈負外處見中書賈舍人巴陵詩集覽

之懷舊代書寄贈

海岸望青瑣雲長天漫漫十年不一展知有關
山難適逢阮始平立馬問平安取公詠懷詩示
我江海瀾整若窺武庫森然矛戟寒眼明遺頭
風心悅忘朝餐大駕今返正熊羆扈鳴鑾公遊

鳳凰沼獻可在筆端繫越有長纓封關祇一九
罔然翔寥廓仰望慙羽翰嘉會不我與相思歲
云殫唯當袖佳句持比青琅玕
寒夜溪行舟中作
日沈諸山昏寂歷羣動宿孤舟獨不繫風水夜
相逐雲歸恒星白霜下天地肅月輪大如盤金
波入空谷魏闕萬里道羈念千慮束倦飛思故
巢敢望梧與竹沈吟登樓賦中夜起三復憂來
無良方歸候春酒熟

江上代書寄裴使君

何地離念劇江臯風雪時艱難傷遠道老大去
前期疇昔行藏計祇將力命推能令書信數
足緩相思

與韓侍御同尋李七舍人不遇題壁留
贈

三徑何寂寂主人山上山亭空簷月在水落釣
磯閑藥院雜靜酒壚苔蘚班知君少機事當
待暮雲還

李張皇甫閻權等數公並有送別之作

見寄因答

州庭正波蕞 崇衰豈是秦吳遠
別時謝君篋中 倚地贈何以報之長相思

毘陵集卷第一

毘陵集卷第二

朝散大夫使持節常州諸軍事守常州刺史賜紫金魚袋

送陳兼應辟兼寄高適賈至

結綵處燕石 卞和不必知
所以王佐材 未能忘茅苴
罷官梁山外 穫稻楚水湄
適會傅巖人 虛舟濟川時
天網忽搖頓 公才難棄遺
鳳凰翔不 仞今始一鳴岐
上馬指國門 舉鞭謝書帷
預知大人賦 掩却歸來詞
天子方在宥 朝廷張四維
料君能獻可 努力副疇咨
舊友滿皇州 高冠飛翠蕞
相逢絳闕下 應道軒車遲
高侯秉戎翰 策

馬觀西夷方從幕中事參謀王者師賈生去洛
陽煜燿琳琅姿芳名動北步逸韻凌南皮蕭蕭
舉鴻毛冷然順風吹波流有同異由是限別離
漢塞隔隴底秦川連鎬池白雲日夜滿道里安
可思夢想浩盈積物華愁變衰因君附錯刀送
遠益淒其四海各橫絕九霄應易期不知故巢
燕波起樓何枝

蚤發龍沮館舟中寄東海徐司倉鄭司

沙禽相呼曙色分漁浦鳴榔十里間正當秋風

度越水況值遠道傷離羣津頭却望後湖岸別
處已隔東山雲停艫目送北歸翼惜無瑤華持
贈君

海上懷華中舊遊寄鄭縣劉少府造渭
南王少府峯

涼風臺上三峯月

王任鄭縣日於城角築小臺號涼風
臺每與數公置酒登臨望二華雲月

不

夜城邊萬里沙離別莫言關塞遠夢魂長在子
真家

將還越留別豫章諸公

客鳥倦飛思舊林徘徊猶戀衆花陰他時相憶

雙航葦莫問吳江深不深

雜詩

百結成子春物捨我去
流年惜不得獨坐空
閨昔心自有所待甘爲物華悞
未必于黃金買得一人顧

山中春思

獺奴川水大人家
春日長獨謠晝不暮搔首慚
年世靡草知節換含葩向新陽
不嫌三徑深爲我
牛一池塘亭午井竈閑
雀聲響空倉花落
齒風動羣木香歸路雲水外

萬里心深入山鳥行芳景勿相迫
春愁未遠忘

傷春懷歸

誰謂鄉可望望在天地涯
但有時命同萬里共
歲華昨夜南山雨
殷雷折萌芽源桃不余欺
先發秦人家寂寂戶外掩
遲遲春日斜源桃默無
言秦人獨長嗟不惜中腸苦
但言會合賒思歸
吾誰訴笑折南枝花

九月九日李蘇州東樓宴

是菊花開日當君乘興
秋風前孟嘉帽月下庾
公樓酒解留征客歌能破
別愁醉歸無以贈抵

奉萬年酬

李卿東池夜宴

得池字

政成機不擾心愜宴忘疲去燭延高月傾罍就
小池舞盤迴雪動弦奏躍魚隨自是山公興誰
令下士知

將赴京答李紆贈別

膠漆長投分荆蠻各倦遊帝鄉今獨往溝水便
分流甘作遠行客深慚不繫舟思君帶將緩豈
直日三秋

江寧酬鄭縣劉少府兄贈別作

往年脫縫掖接武仕關西結綬腰章並趨階手
板齊仙山不用買朋酒日相攜抵掌誇潭壑忘
情向組珪事遷時既往年長跡逾睽何為青雲
器猶嗟濁水泥役牽方遠別道在或先迷莫見
良田晚遭時亦杖藜

送虢州王錄事之任

謂子文章達當年羽翼高一經俄白首三命尚
青袍未遇須臾藏器安卑莫告勞盤根倘相值試
用發劘刀

送長孫將軍拜歙州之任

臨難敢橫行遭時取盛名五兵常典按四十又
專城浪逐樓船破風從虎竹生島夷今可料繫
頸有長纓

送何貞外使湖南

夙昔皆黃綬差池復瑣闈土田無晚熟逸翮果
先飛前路舟休繫故山雲不歸王程倘未復莫
遣鯉書稀

送江陵全少府赴任

家司方眷選劇縣得英髦固是攀雲漸何嗟趨
府勞楚山迎驛路漢水漲秋濤騫翥方茲始看

君六翮高

送虞秀才擢第歸長沙

充賦名今遂安親事不違甲科文比玉歸路錦
爲衣海運同鯤化風帆若鳥飛知君到三逕松
菊有光輝

送陽翟張主簿之任

舊聞陽翟縣西接鳳高上作吏同山隱知君處
劇閑少年當効用遠道豈辭艱遲子揚名後方
期綵服還

送李賓客荆南迎親

宗室劉中壘文場謝客兒當爲天北斗曾使海
西陲旄節精誠著銅樓羽翼施還申供帳別言
赴倚門期恩渥雷行李晨昏在路岐君親兩報
遂不敢議傷離

酬常郿縣見贈

爰君修政若修身鰥寡來歸乳雉馴堂上五弦
銷暇日邑中千室有陽春謂乘鳧舄朝天子却
嫺狷肝素主人辭後讀君懷縣作定知三歲字
猶新

送游貞外赴淮西

多君有竒略投筆佐元戎已佩郎官印兼乘御
史驄使星隨驛騎歸路有秋風莫遣無書札他
年懷袖空

送馬鄭州

使君朱兩轡春日整東轅芳草成臯路青山涼
水源勉修循吏跡以謝主人恩當使仁風動遙
聽輿頌誼

蕭文學山池宴

檀欒千畝綠知是辟疆園遠岫當庭戶諸花覆
水源主人邀盡醉林鳥助狂言莫問愁多少今

皆付酒樽

送別荆南張判官

輜車駱馬往從誰
夢浦蘭臺日更遲
欲識桃花最多處
前程問取武陵兒

送義烏韋明府

妙年能致身陳力
復安親不憚關山
遠寧辭簿領勤過
江雲滿路到縣海
為鄰每歎違心賞
吳門正早春

送相里郎中赴江西

君把一尺詔南游
濟滄浪受恩忘險
艱不道岐

路長戎狄方構患
休牛殊未遑三秦
千石空戰卒如餓
狼委輸資外府
諏謀寄賢良
有子當陳力
安得遂翱翔
豈不慎井賦
賦均人亦康
遙知軒車到
萬室安耕桑
火伏金氣騰
旻天以滄茫
寒蟬慘巴鄧
秋色愁沅湘
昨日攜手西
於今芸再黃
歡娛詎幾許
復向天一方
躑躅話世故
惆悵舉離觴
共求數刻歡
戲謔君此堂
今日把手笑
少時各他鄉
身名同風波
聚散未易重
曷月還朝天
及時開智囊
前期倘猶闊
加飯勉自強
和虞部韋郎中尋楊駙馬不遇

金屋瓊臺蕭史家暮春三月渭川花到君仙洞
不相見謂已吹簫乘早霞

和贈遠

憶得去年春風至中庭桃李映瑣窻美人挾瑟
對芳樹玉顏亭亭與花雙今年新花如舊時去
年美人不在茲借問離居恨深淺祇應獨有庭
花知

和題藤架

萼萼葉成幄璀璨花落架花前離心苦愁至無
日夜人去藤花千里強藤花無主為誰芳相思

整亂何由盡春日迢迢如線長

官渡柳歌送李負外承恩往揚州覲省

君不見官渡河兩岸三月楊柳枝千條萬條色
一一勝綠絲花作鉛粉絮葉成翠羽帳此時送
遠人悵望春水上遠客折楊柳依依兩含情夾
郎木蘭舟送郎千里行郎把紫泥書東征覲庭
闈脫却貂襜褕新著五綵衣雙鳳并兩翅將雛
東南飛五兩得便風幾日到揚州莫貪揚州好
客行剩淹留郎到官渡頭春闌已應久殷勤道
遠別為謝大堤柳千條儻相憶五里一回首明

年柳枝黃問郎郎還否

同岑郎中屯田韋負外花樹歌

東風動地吹花發渭城桃李千樹雪芳菲可愛
不可留武陵歸客心欲絕金華省郎惜佳辰祇
將棣萼照青春君家自是成蹊處況有庭花作
主人

和李尚書畫射虎圖歌

飢虎呀呀立當路萬夫震恐百獸怒彤弓金鏃
當者誰鳴鞭飛控流星馳居然畫中見真態若
務除惡不顧私時和年豐五兵已白額未誅壯

士恥分銖遠邇縣穀中不少一發思全功捨矢
如破石可裂應弦盡敵山爲空殺氣滿堂觀者
駭颯若崖谷生長風精微入神在蒙末作績造
物何同功方叔秉鉞受命新丹青起予氣益振
底綏靜難功可擬嗟嘆不足聲成文他時代天
育萬物亦以此道安斯民

崑陵集卷第二

毘陵集卷第三

朝散大夫使持節常州諸軍事守常州刺史賜紫金魚袋獨孤及

代書寄上李廣州

皖水望番禺迢迢青天末鴻鴈飛不到音塵何
由達獨有與人歌隔雲聲誼聒皆稱府君仁百
越賴全活推誠魚鼈信持正魑魅怛疲民飽中
和性足無天闕天子咨四岳佇公濟方割幾時
復旋歸入踐青瑣闥賤子託明德繚若松上葛
別離鄙恹生結念思所豁門闌關山阻岐路天
地闊唯憑萬里書持用慰飢渴

自東都還濠州奉酬王八諫議見贈

關西仕時俱稚容，彪彪之鬢始相逢。天地變化

縣城改

天寶中及尉華陰鄭縣別後經祿山之亂鄭縣殘毀城移於州西

獨有故人交態

在不言會合跡未并，猶似歲寒心相待。洛陽居
守寄鄴侯，君著貂冠叅運籌。高閣連雲騎省夜，
新文會友涼風秋。青袍白面昔攜手，冉冉府趨
君記否。雲分雨散十五年，始得一笑罇酒前。未
遑少留驟遠別，況值旅鴈鳴秋天。二華舊遊如
夢想，他時再遊何由緣。賴君贈我郢中曲，別後
相思被管弦。

酬皇甫侍御望天鰲山見示之作

蚤歲慕五岳，嘗爲塵機礙。孰知天柱峯，今與郡
齋對。隱嶙抱元氣，氤氳含青靄。雲崖媚遠空，石
壁寒古塞。漢皇南遊日，望秩此昭配。法駕到谷
口，禮容振荒外。焚柴百神趨，執玉萬方會。天旋
物順動，德布澤霽霑。講武威已耀，學仙功未艾。
黃金竟何成，洪業遽淪昧。度世若一瞬，昨朝已
千載。如今封禪壇，唯見雲雨晦。長望哀往古，勞
生慙大塊。清暉幸相娛，幽獨知所賴。寒城春方
正，初日明可愛。萬殊喜陽和，余亦荷時泰。山色

昌黎集卷三
二
日夜綠下有清淺瀨媿作拳僂人沈迷簿書內
登臨歎拘限出處悲老大況聽郢中曲復識湘
南態思免物累牽敢令道機退永日誦佳句持
比秋蘭佩

垂花塢醉後戲題

賦得俱字韻
并序一首

莊周臺南十許步有丘一成上有樛藤垂花而
蔓草荒之且隔大溝路不可陟道士張太和伐
薪爲堰封土以壅漕余亦命薙氏治蕪穢而刻
宿莽遂闢爲登賦之位位廣一席席閒足以函
罇酒二簋三月戊子及羣英由堰而升焉諸花

倒垂下拂盃案紫葩縹緗如釵如旒衆君子瞻
美之不足故秉燭進酒以繼落日欲稱醉而不
能也因命其地曰垂花塢堰曰緣花塢亦飾之
以詩云

紫蔓青條覆酒壺落花時與竹風俱歸時自負
花前醉笑向儵魚問樂無

登山谷寺上方荅皇甫侍御卧疾闕陪

車騎之後

梵宮香閣攀霞上天柱孤峯指掌看漢主馬蹤

成蔓草

寺中間石上有竅穴古
老相傳云漢武帝馬跡

法王身相示空棺

禪門第
三祖璨

大師遺塔在此坊天寶中別駕李常雲扶踴塔青霄庫

皮寄反松蔭禪庭白日寒不見戴逵心莫展賴將新

贈比琅玕

詣開悟禪師問心法次第寄韓郎中

障深聞道晚根鈍出塵難濁劫相從慣迷塗自

謂安得知身垢妄始喜額珠完欲識真如體君

嘗法味看

喜辱韓十四郎中書兼封近詩示代書

題贈

各牽于役間遊遨獨坐相思正鬱陶長跪讀書

心暫緩短章投我曲何高宦情緣木知非願玉

事敦丁回人敢告勞所歎在官成遠別徒言岘水

纔去聲容舫

同皇甫侍御齋中春望見示之作

望遠思歸心易傷況將衰鬢偶年光時攀芳樹

愁花盡晝掩高齋厭日長甘比流波辭舊浦忍

看新草徧橫塘因君贈我江楓詠春思如今未

易量

荅李滁州題庭前石竹花見寄

殷鳥閑反凝曙霞染巧類匣刀裁不怕南風熱能

迎小暑開遊蜂憐色好思婦感年催覽贈添離
恨愁腸日幾迴

暮春於山谷寺上方遇恩命加官賜服

酬皇甫侍御見賀之作

天書到法堂朽質被榮光自笑無功德殊恩謬
激揚還登建禮署猶忝會稽章佳句慚相及稱
仁豈易當

和張大夫秋日有懷呈院中諸公

至公無暇日高閣閉秋天肘印拘王事籬花思
長年績成心不有慮澹物猶牽竊效泉魚躍因

聞郢曲妍

和大夫秋夜書情即事

上略當分闕高情善閉關忘機羣動息無戰五
兵閑鈴閣風傳漏書窻月滿山方知秋興作非
惜二毛斑

傷春贈遠

去水流年日並馳年光客思兩相隨咨嗟班鬢
今承弁慚媿新荷又發池楊柳逶迤愁遠道鷓
鴒啁哳怨南枝憶君何帝同瓊樹但向春風訴

送別離

送陳王府張長史還京

論齒兄弟列為邦前後差十年方一見此別復
何嗟極目故關道傷心南浦花少時相憶處切
手望行車

荅皇甫十六侍御北歸留別作

正當楚客傷春地豈是騷人道別時俱徇空夕
嗟欲老況將行役料前期勞生多故應同病喜
馬單車莫自悲明日相望隔雲水解顏唯有池
中詩

得柳員外書封寄近詩書中兼報新

行營兵馬因代書戲荅

郎官作掾心非好儒服臨戎政已聞說劔嘗宗
漆園吏戒嚴應笑棘門軍遙知抵掌論皇道時
復吟詩向白雲百越待君言即敘相思不敢愴
離羣

同徐侍郎五雲溪新庭重陽宴作

萬峯蒼翠色雙溪清淺流已符東山趣況值江
南秋白露天地肅黃花門館幽山公惜美景肯
為芳樽留五馬照池塘繁弦催獻酬臨風孟嘉
帽乘興李膺舟騁望傲千古當歌遺四愁豈令

永和入獨擅山陰遊

奉和中書常舍人晚秋集賢院即事寄

贈徐薛二侍郎

漢家金馬署帝座紫微郎圖籍凌羣玉歌詩冠
柏梁陰陰萬年樹肅肅五經堂揮翰忘朝食研
精待夕陽晴空露盤迴秋月瑣窓涼遠興生斑
鬚高情寄縹囊葳蕤雙鸞鴛夙昔並翱翔汲冢
同刊繆蓬山共補亡差池摧羽翮流落限江湘
禁省一分袂旻天三兩霜石渠遺跡滿水國暮
雲長蚤晚朝宣室歸時道路光

登後湖亭傷春懷京師故舊

昨日看搖落驚秋方怨咨幾經開口笑復及看
花時世事空名束生涯素髮知山山春草滿何
處不相思

答李滁州見寄

相逢遽歎別離牽三見江臯蕙草鮮白髮俱生
歡未再滄洲獨往意何堅愁看郡內花將歇忍
過山中月屢圓終日望君休汝騎媿無堪報起
予篇

前年春與獨孤常州兄花時爲別條

已三年矣今鶯花又爾覩物增懷

因之抒情聊以奉寄

時蒙溪幽居在義興益增懷想

李幼卿

近日霜毛一番新別時芳草兩迴春不堪花
落花開處況是江南江北人薄宦龍鍾心嬾
慢故山寥落水齋淪緣君愛我疵瑕少願竊
仁風寄老身

水西館泛舟送王負外

單醪敢獻酢曲沼荷經過汎覽親魚鳥寅緣涉
芰荷劇談增惠愛美景借清和明日汀洲草依

依奈別何

得李滁州書以玉潭莊見託因書春思

以詩代荅

春物行將老懷君意詎堪朱顏因酒強白髮對
花慚日日思瓊樹書書話玉潭知同白口累曷
日辦抽簪

題玉潭

碧玉徒強名冰壺難比德唯當寂照心可並齋
淪色

荅李滁州憶玉潭新居見寄

從來招隱地未有剖符人
山水能成癖巢夷擬
獨親猪肝無足累馬首敢辭勤
埽灑潭中月他
時望德鄰

奉和李大夫同呂評事太行苦熱行兼

寄院中諸公

駟馬上太行修塗亘遼碣王程無留駕日昃未
遑歇請問此何時恢台朱明月長蛇稽天討上
將方北伐明主命使臣皇華得時傑已忘年
險豈憚濕風熱搖策汗滂滄登崖思紆結炎
如煙火溪谷將恐竭晝景絕可畏涼飈何由

山長飛鳥墮目極行車絕趙魏方倣擾安危俟
明哲歸路豈不懷飲冰有苦節會同傳檄至疑
議立談決況有阮元瑜翩翩秉書劄起予歌赤
坂永好渝白雪誰念剖竹人無因執羈縶

雨晴後陪王負外泛後湖得溪字

遠山媚平楚宿雨漲清溪
泝任舟楫歡言無
町畦酒酣相視笑心與白鷗齊

陪王負外北樓宴待月

勸酒論心夜不疲含情有待闋誰思佇看晴月
澄澄影來照江樓
酌酹時

